

हिब्रूतिवाला टिवु यिकी

दी थेपकी कोर्ला

दी यिकी ति ख्रीष्टियान छोकपा यीला टिवु यिन। मीतिवा छासे तिवी तेन्दोकला लावु तप्की तिवा येशूला तेपा कितुप क्युनी ज्योकिते सिरुप ज्यिवा नोक। ती तप्की दी यिकी टिकुप तीकी तिवाला डाडेड तेरुपला येशू ख्रीष्ट तिराड टेड्बु वोतुप कोन्छ्योककी जुजम यिन सिनी हाक्को च्यिन वे। तीकी थोक्ला ताम्डे टेड्बु सुम सिक्या वे।

१) येशू ति कोन्छ्योककी सेवु यिन। खोकी पपा कोन्छ्योककी कला टेड्बु कयानी इयेन गोकिवी सिरुप ति छ्या देन्दुपला छेटाड खुर नाङ्सुड। तमा येशू ति कोन्छ्योककी सेवु यिन्दुप तप्की खो ति ठिम डियङ्बाला वोतुप कोन्छ्योककी लुङ्तेम्बातिवा ताड देवाच्येनकी लेन क्योलुप थु ताड मोशा सिनाड चोछ्ये यिन सिनी सिक्या वे।

२) येशू ति ठिम डियङ्बाकी कोङ्यारतिवा सिनाड चोछ्ये ताड नरी लुवु यिन सिनी सिक्या वे।

३) खोला तेपा कितुप मीतिवा दिक्पा ताड ज्यिवा ताड शेष नेसुर ज्होकिवी। खो चोछ्येवु कोङ्यार यिन्दुप तप्की खोकी वुतुड के थर्वा नङ्गिगी। दी थर्वा ति यहूदी फयानकी लुकसु ताड सेम्ज्येनकी जिन्बातिवी पे नेसुर छ्या तेन वे।

लोप्च्येन च्युच्यिकला ल्हासिन दी यिकी टिकुप तीकी यिकी रोकुपतिवाला इस्राएलकी लोग्यु ताड ललाइ मिड फेलुप मीतिवी क्यावु तेपाला पे ल्हानी खोङ्तेर्मु क्या दे गोकिवी सिनी गोङ्बा शु वे। लोप्च्येन च्यिङ्डीला ति येशूला तिराड नरी तेपा रम्बु कयानी चो दुक्पा ताड छेटाड ख्येल्सिनाड हम कि गोकी सिनी तिवाला सिक्या वे। दी यिकी ति पतिवा ताड च्याङ्से वोतुप सुडतिवा ताड मुला सिन्दा क्या वे।

मुला राड वोतुप लोप्च्येनतिवा

- यिकीकी कोर्ला ताड ख्रीष्ट कोन्छ्योक टेङ्बुकी जुजम १:१-३
- देवाच्येनकी लेन क्योलुप थुतिवा सिनाड येशू चोछ्ये १:४-२:१८
- मोशा ताड यहोशू सिनाड येशू चोछ्ये ३:१-४:१३
- येशू चोछ्येवु कोङ्यार ४:१४-७:२८
- येशूकी खक्छ्येवु थाक्छ्येतुप ८:१-९:२८
- येशूकी खक्छ्येवु जिन्बा १०:१-३०
- खक्छ्येवु तेपा ११:१-१२:२६
- कोन्छ्योकला गा लोङ्गुप १३:१-१६
- तिङ्मी मोपोर १३:२०-२१
- तिङ्मी सुडतिवा १३:२२-२५

येशू ख्रीष्ट ति कोन्छ्योककी सेवु यिन

१ ताड्बो डोला कोन्छ्योककी खोरे सुड शेतुप लुङ्तेम्बातिवा नेसुर दाक्पी पगावा हङ्गावातिवी मुला थेङ्मा बडी ताड नम्बा बडीकी ताम्डे क्या नाङ्सुड। २ यिने तसाम पेलाकी तिङ्मी तुजेला खोकी खोरे सेवु नेसुर दाक्पी मुला ताम्डे क्या नाङ्सुड। खोकी खोरे सेवु नेसुर राङ दी जम्बुलिङ ज्ये नाङ्सुड। तमा स ताड नामला वोतुप तेरी च्यालकतिवा तेरुपला खोरे सेवुला राङ पेन नाङ्सुड। ३ खोकी सेवुकी कोन्छ्योककी मोवा छासे चोछ्येवु वोतुप ति छ्या देन्गिबी, तमा खो ति वुतुङ के कोन्छ्योक दोके राङ यिन। खोकी खोरो डार छ्येवु सुड नेसुर राङ स ताड नामगी तेरी च्यालकतिवी खला ग्येला किवी। मीतिवाला दिक्पा ने थरुप लाका सिन्सिमा खो देवाच्येनला चोछ्येवु कोन्छ्योककी छ्याक यावी थाकाला ज्यु वे।

कोन्छ्योककी सेवु ति देवाच्येनकी लेन क्योलुप थुतिवा सिनाड चोछ्ये वे

४ खोकी सेवु ति देवाच्येनकी लेन क्योलुप थुतिवा सिनाड चोछ्ये वे। च्यिलासिसिन कोन्छ्योककी खोला

देवाच्येनकी लेन क्योलुप थुतिवा सिनाड छासे चोछ्येवु मिङ ज्याक्नी वे। ५ कोन्छ्योककी चुका देवाच्येनकी लेन क्योलुप थुला साङ

“ख्युरुङ डे पुज्युङ यिन,
हारिङ ड ख्योरो पपा च्युङ्गिगी।”*

सिनी मासुङ वे।

येलुङ खोकी चुका देवाच्येनकी लेन क्योलुप थुला साङ

“ङ तीकी पपा यिनो,
ती ति डे पुज्युङ यिनो।”*

सिनी मासुङ वे।

६ यिने खोकी खोरे पुज्युङ छ्येला जम्बुलिङला तोङ्गुप पेला दुक सुङ्सुङ,
“कोन्छ्योककी तेरी देवाच्येनकी लेन क्योलुप थुतिवी तीला राङ सोवा देक्शी।”

७ येलुङ देवाच्येनकी लेन क्योलुप थुतिवी कोर्ला ति खोकी दुक सुङ वे,
“कोन्छ्योककी खोरो

देवाच्येनकी लेन क्योलुप
थुतिवाला वुर्तुक दोके जेवी,
तमा खोला शब्ज्यी

कितुपतिवाला ति मे मेलाप
दोके जेवी।”*

८ यिने पुज्युङकी कोर्ला ति खोकी दुक सुङ्सुङ,

“ओ कोन्छ्योक, चोवोकी†
ग्येलिङक ति नरीकी नरी
लुकिवी।

१:८ १:८-१२ ला वुङ्गुप चोवोकी तेन्दोक ति ख्रीष्ट यिन।

१:५ भजन २:७ १:५ २ शमू ७:१४ १:७ भजन १०४:४

चोवोकी टेड्बु कयानी ग्येला क्या
नङ्गिगी।*

६ चोवोकी ताम्डे टेड्बुला सेमला
डिवी,

ताम्डे मेटेड्बुला डियङ्मर क्या
नङ्गिगी।

तुक कयानी कोन्छ्योक,
कोन्छ्योककी चोवोला पेनी
चोवोकी दाल्जातिवाला
सिनाड मड गा ताड ताङ्देन
क्या नाङ्सुड।”

१० येनुड दुक सिनी सुड वे,
“ओ चोवो, थल्माला चोवोकी
जम्बुलिङ ज्ये नाङ्सुड।

तमा चोवोकी छयाककी राड
नामतिवा जो नाङ्सुड।”

११ तिवा तेरी ना डिवी,
यिने चोवो याड नरीकी नरी
ज्युकिवी।

चोवोकी ज्येवुतिवा तेरी मज्या
दोके डियङ्बा डिवी,

१२ चोवोकी तिवाला मज्या दोके
कयानी टिल्लिगी।

तमा मज्या डियङ्बा गल्सिमा सम्बा
पोवु दोके कयानी पोकिवी,
यिने चोवो याड नरी च्यिक्पा राड
लुकिवी।”

१३ चुका देवाच्येनकी लेन क्योलुप
थु तीला कोन्छ्योककी

“ख्योरो डतिवाला तेरी ख्योरो
काङ्बी वोक्ला मालेपा

सेक्ला ख्युरुड डे यावी
थाकाला दे।”* सिनी
सुङ्सुड रो?

१४ ती देवाच्येनकी लेन क्योलुप
थुतिवा ति सु यिन रो? काड तिवा
याड दिक्पा ने थर्वा ड्येतुपतिवाला
शब्ज्यी कितुप थोक्ला तङ्गुप थुतिवा
तिराड मिन रो?

खक्छ्येवु थर्वा

२ तुक कयानी दाक्पी थोवु
कोन्छ्योककी सुड टेड्बुला मड
छासे ड्यम्ले कि गोकिवी। मिसियाड
दाक्पु ति खोकी सुङ्गुप सुडला क्युर
ज्याक्नी लाम मेटेड्बुला डो थुक्किवी।
२ तोङ्ला देवाच्येनकी लेन क्योलुप
थुतिवी दाक्पी हङ्गावातिवाला
सिक्यावु सुड ति वुतुड के टेड्बु
च्युङ्सुड। तमा ती सुडला मेङ्येन्दुप
ताड ती सुडला मुयुकुपतिवाला ड्ये
गोवु पर्च्या ति ड्येसुड। ३ दाक्पी तुका
थर्वा ग्येपुला साड ड्याम माक्यासुड
सिसिन मड चुक कयानी ती पर्च्या
नेसुर पिशोर थुक्किवी रो? दी थर्वा ति
गोमाला चोवो येशूकी राड ख्याप्ताक
क्या नाङ्सुड। खोकी ख्याप्ताक क्या
नङ्गुप सुड ड्येन्दुपतिवी राड ती सुड
ति टेड्बु यिन सिनी डियराडला पङ्बु
बिन्सुड। ४ दी थर्वा ति टेड्बु यिन्दुप
पङ्बु छया देन्दुपला कोन्छ्योककी
साड ततिवा छया देन्दुप ताड हलेवु

लाकातिवा ताड नम्बा बडीकी डार
छ्येवु लाकातिवा क्या नाइसुड। तमा
खोकी नोवाला वोतुप दोके खोरे थु
चाइमाकी कटिनतिवा साड नाइसुड।

थर्वा नङ्गुप ख्रीष्ट

५ दाक्पी ताम्डे कियी वोतुप त
वुङ्गुप जम्बुलिङ ति कोन्छ्योककी
खोरे देवाच्येनकी लेन क्योलुप
थुतिवी ओडला माज्याक वे। ६ यिने
कोन्छ्योककी सुडला दासा च्यिकला
दुक सिनी टि वे,

“कोन्छ्योक, मी ति काड यिन
रो!

ख्योरे तीकी थोक्ला नासाम
तोङ्गुप ती।

मी पुज्युड ति सु यिन रो?

ख्योरे तीकी थोक्ला ल्हटे कितुप
ती। *

७ ख्योरे चेयी पर सेककी थोक्ला
तीला देवाच्येनकी लेन
क्योलुप थुतिवा सिनाड
छ्युडा जो नाइसुड।

तमा तीला ग्येल्बुला दोके मोवा
ताड ताड्देन नाइसुड।

८ तमा ख्योरे तेरी च्यालकतिवा
खोकी ओडला राड ज्याड
नाइसुड।”

कोन्छ्योककी खोरे ओडला तेरी
च्यालकतिवा ज्याड नङ्गुप पेला
खोकी ओडला मेतुप चुका च्यालक

साड मे। यिन्सिनाड तसाम दाक्पी
तेरी च्यालकतिवा खोकी ओडला
राड वोतुप मोथोङ्गिगवी। ६ यिने
दाक्पु येशूकी कोर्ला नासाम तोङ्गुप।
कोन्छ्योककी कटिनकी खो मी
तेरीकी थोक्ला टुङ्गुपला चेयी पर
सेककी थोक्ला देवाच्येनकी लेन
क्योलुप थुतिवा सिनाड छ्युडा जो
नाइसुड। मी तेरीकी थोक्ला शेपला
दुक्पा खुर्सिमा कोन्छ्योककी खोला
ग्येल्बुला दोके मोवा ताड ताड्देन
नाइसुड।

१० जम्बुलिङकी तेरी च्यालकतिवा
कोन्छ्योककी राड ज्ये नङ्गुप
यिन। तमा तेरी च्यालकतिवा खोकी
थोक्ला राड वे। खोकी गिपातिवा
बडीला खुरुडला वोतुप दोके मोवा
ति गोतुपला येशूला छेटाड खुर च्यिनी
टेङ्बु जो नाइगुप ति कि राड गोवु
यिन। च्यिलासिसिन येशू ति तिवाला
थर्वा नङ्गुपला लाम छ्या तेन्सुड।

११ मीला दिक्पा नेसुर टेङ्बु जो नङ्गुप
येशू ताड खोकी टेङ्बु जोवु मी तेरीकी
पपा ति च्यिक राड वे। तुक क्यानी
खोकी खोरे राड टेङ्बु जो नङ्गुप
मीतिवाला डे नुपतिवा सिरुपला
खो डोछा मिकिवी। १२ खोकी
कोन्छ्योकला दुक सुङ्गिगवी,

“ड डे नुपतिवी पर्ला ख्योरे क्यावु
हलेवु लाका ति ख्याप्टाक
कितिन।

तमा तिवा जोम्नी सोवा देकुप
पेला ड ख्युरुडला सोवा
देकिन।”*

१३ येलुड खोकी सुड्सुड,
“ड कोन्छ्योकला राड रेवा
कितिन।”

तमा येलुड खोकी सुड्सुड,
“ल्होसा, कोन्छ्योककी डला
नङ्गुप पुज्युडपुमतिवी मुला
ड देन वे।”*

१४ ती पुज्युडपुमतिवा श ताड ठकला
वोतुप जु यिन्दुप तप्की खो साड
तिवा दोके श ताड ठकला वोतुप जु
च्युड्सुड। तुक क्यानी खो टुङ्नी शेषकी
डार वोतुप शैतानला ना ताड्सुड।
१५ तुक क्यानी छे काड शेषला ज्यिवा
क्यानी शेषकी ओडला ख्येलुपतिवाला
खोकी थर्वा नाड्सुड। १६ वुतुड के
खोकी देवाच्येनकी लेन क्योलुप
थुतिवी थोक्ला मिन, यिने अब्राहामकी
गिपातिवी थोक्ला ड्याम क्या नङ्गिगी।
१७ तुक क्यानी तेरी ताम्डेला खो रङ्गी
अच्युनपतिवा दोके च्युड गोसुड। तमा
मीतिवी क्यावु दिक्पी ठिलेन च्योलुपला
खो कोन्छ्योकला शब्ज्यी बुलुप
च्यम्बा ताड खोड्तेर्मु वोतुप कोङ्ग्यार
छ्ये च्युड्सुड। १८ खो खोरे साड बडी
शैतानकी खोकपा ल्हापला ख्येल्ली
दुकपा खुरुप तप्की त याड खोकपा
ल्हापला ख्येलुपतिवाला खोकी दाल्जा
किटे क्या नङ्गिगी।

मोशा सिनाड येशू छ्ये वे

३ तुक क्यानी कोन्छ्योककी
कताड नङ्गुप चाड्मा वोतुप
अच्युनपतिवा, दाक्पी ख्याप्ताक
क्यावु लोमा छ्ये ताड कोङ्ग्यार छ्ये
यिन्दुप येशूला नासाम तोड। २ खो
ति मोशा कोन्छ्योककी मिछाडला
शब्ज्यी कितुपला खोड्तेर्मु वोतुप
दोके खुरुडला कताड नङ्गुप
कोन्छ्योककी थोक्ला खोड्तेर्मु
च्युड्सुड। ३ यिन्सिनाड खाड्बा
सिनाड खाड्बा जोप मीला मड
ताड्देन वोतुप दोके मोशा सिनाड
येशूला मड छासे ताड्देन कि छ्योवु
वे। ४ तेरी खाड्बातिवा ललाइ
ललाइ मी जोवु यिन, ती दोके तेरी
च्यालकतिवा कोन्छ्योक राड जो
नङ्गुप यिन। ५ मोशा कोन्छ्योककी
मिछाडकी मीतिवाला लावा दोके
क्यानी शब्ज्यी कितुपला खोड्तेर्मु
च्युड्सुड। तमा ज्युक्थमाला वुङ्गुप
कोन्छ्योककी येन्देनकी कोर्ला
पङ्बु बिन्सुड। ६ यिने ख्रीष्ट ति
कोन्छ्योककी पुज्युड यिन्दुप तप्की
खोकी मिछाडकी मीतिवी थोक्ला
खोड्तेर्मु च्युड वे। दोजो दाक्पी रेवा
क्यावु ताम्डेला डाडेड ताड तेके
क्यानी नरी देसुड सिसिन दाक्पु साड
कोन्छ्योककी मिछाडकी मीतिवा
च्युडिगी।

कोन्छ्योककी मीतिवाला डासोप ड्येतुप कोर्ला

७ तुक क्यानी कोन्छ्योककी थु
चाङ्माकी दुक सुङ्गिगी,

“हारिड ख्यिरा कोन्छ्योककी
सुङ्गुप ति थोसुड सिसिन,

८ ख्यिरा हङ्गावातिवी दासा
पाङ्थेरीला कोन्छ्योककी
तेन्दोकला लावु दोके ख्यिरा
ति सेम क्योङ्बु माजो।”

ती पेला तिबी खोला खोक्पा
ल्हानी खोकी तेन्दोकला
लासुड।

९ ते तिबी लो खल ड्यी सेक
खोकी क्यावु हलेवु
लाकातिवा थोङ्सनाड
खोला तेपा माक्यानी खोला
खोक्पा ल्हासुड।

१० तुक क्यानी ती मीतिवी थोकला
खो छासे ड्यिर्मु लानी दुक
सुङ्सुड,

‘तिवी सेम ति नरी ख्येम्नी देतुप
तप्की डे कला माङ्येन वे।’

११ तुक क्यानी खो ड्यिर्मु लानी
तिवाला दुक सिनी न
क्याल्सुड,

‘डे डासोप दासाला तिवा
नाम्साड शुकुप मेङ्येवी।’ ”

१२ अच्युनुपतिवा, च्यक्पु किसान।
ख्यिराड सु साड तेपा मिकिवु

सेम दिक्छेन गल्नी डोसु वोतुप
कोन्छ्योकला क्युर्नी माज्योका।
१३ यिने हारिडगी ड्यिमा सिनी
सिक्यावु तुजे वोता सेक ड्यिमी टेड
ख्यिराड च्यिककी च्यिकला टोङ्गु
बिन। मिसियाड दिक्पाकी जिनोक
जोपला ख्येलनी ख्यिरा सेम साड तेरी
क्योङ्बु जेवी। १४ दाक्पी गोमाला तेपा
कितुप पेला तेन्तेन क्यावु ताम्डेला
तिङ्ला सेक डेकला देसिन दाक्पु
खीष्टला वोतुप ति तेरी मुला राड
थोप्किवी। १५ कोन्छ्योककी सुडला
दुक सुङ्गिगी,

“हारिड ख्यिरा कोन्छ्योककी
सुड थोसिन ख्यिरा हङ्गावी
कोन्छ्योककी तेन्दोकला
लावु दोके ख्यिराड ति
माकी।”*

१६ सी कोन्छ्योककी सुड थोनी
खोकी तेन्दोकला लासुड? मोशाकी
मिश्र लुङ्बा नेसुर तेन्नी टिनी वावु
मीतिवा तेरीकी मिन रो? १७ सी मुला
लो खल ड्यी सेक कोन्छ्योककी
ड्यिर्मु क्या नाङ्सुड? दिक्पा क्यानी
ती दासा पाङ्थेरीला शेष मीतिवी
मुला राड मिन रो? १८ तमा सुला “डे
डासोप दासाला शुकुप मेङ्येवी।”
सिनी कोन्छ्योककी न क्यल वे?
काड खोकी सुङ्गुप सुडला मेङ्येन्दुप
मीतिवी थोकला राड सुङ्गुप मिन रो?
१९ तुक क्यानी दाक्पी हाक्कोकिवी,

तेपा माक्यावु तप्की तिवा डासोपकी दासाला शुकुप माङ्येसुड।

४ दाकपुला कोन्छ्योककी डप्सु इयेतुपला थाक्छ्येतुप ति तन्दा साड लुनी वे। तुक कयानी दाकपु च्यक्पु कितुप। तमा ख्यिराड सु साड ती डासोप दासाला शुकुप मेङ्येवु मोडोशी। २दाकपी हङ्गावातिवाला दोके दाकपुला साड लेन ल्यामु सिक्यानी वे। यिने तिवाला सिक्यावु सुड ति तेर्मेला गाल वे। च्यिलासिसिन तिवी ती लेन ल्यामु थोसिनाड तेपा माक्या। ३त याड दाकपु तेपा कितुपतिवा ति कोन्छ्योककी थाक्छ्येन नङ्गुप डासोपकी दासाला शुकुप इयेकिवी। यिने तेपा मिकिवु मीतिवी कोर्ला खोकी दुक सुङ्नी वे,

“डला डियर्मु लानी तिवाला दुक सिनी न कयलिन,

‘डे डप्सुला तिवा नाम्साड शुकुप मेङ्येवी।’ ”*

जम्बुलिङ ज्येनी सिन्दुप पेला नेज्यु कोन्छ्योककी ती डासोप टडिक कया नङ्गुप ति छेसिनाड खोकी तुक सुङ्सुड। ४दाकपु दी खोकी टडिक कया नङ्गुप ति हाक्कोकिवी, च्यिलासिसिन खोकी सुडला डासोप डियमाकी कोर्ला दुक सुड वे,

“कोन्छ्योककी तेरी लाकातिवा नेसुर डियमा दिनकी छेर्मु डप्सु ताङ्सुड।”*

५यिने खोकी यम्बा दासाला दुक साड सुङ्नी वे,

“तिवा डे डप्सुला नाम्साड शुकुप मेङ्येवी।”

६तोङ्ला लेन ल्यामु थोवुतिवी दी लेन ल्यामुला माङ्येन्दुप तप्की खोकी डप्सुला शुकुप माङ्ये। यिने ललाइ ति तरोड साड ती डप्सुला शुकुप लुनी वे। ७तुक कयानी येलुड कोन्छ्योककी यम्बा डियमाला “हारिड” डियमा सिनी तेन्तेन कया नाङ्सुड। तमा तोङ्ला सुङ्गुप दोके कयानी खोकी लो बडी ज्युक्ला दाऊद नेसुर दुक सिनी सुङ्सुड,

“हारिड ख्यिरा कोन्छ्योककी सुड ति थोसुड सिसिन सेम क्योङ्बु माजो।”*

८दोजो यहोशूकी इस्राएलकी मीतिवाला कोन्छ्योककी थाक्छ्येन नङ्गुप डप्सुला कयलुप यिन्सिन खोकी ज्युक्ला वुङ्गुप यम्बा डियमाकी कोर्ला मुसुङ्गुप ति यिन्जा। ९तुक कयानी कोन्छ्योककी मीतिवी थोक्ला डप्सु लङ्गुप ति लुनी वे। १०कोन्छ्योककी खोरे छयक्लेन नेसुर डप्सु तङ्गुप दोके खोकी डप्सु इयेतुप मीतिवी साड खोप्रे लाका नेसुर डप्सु इयेकिवी। ११ती तप्की दाकपु साड खोकी डप्सु इयेतुपला अछ्योता सेक टेमु कितुप। तुक कयानी दाकपु सु साड तेपा माक्यानी

खोकी कला मेङ्येन्दुप मीतिवा दोके तेन्नी मोतोङ्शी।

१२ च्यिलासिसिन कोन्छ्योककी सुड ति डोसु ताड डार छ्येवु वे। ती सुड ति ख ड्यी वोतुप खुर्पा सिनाड नेन्बु वे। तुक क्यानी तीकी मी सेम ताड थुकी नाङ्ला शुकुप ताड जुकी थिन्जाम ताड रुकककी काड काडला शुनी कुतुक कुतुक मागल्वा सेक तीकी तुप्किवी। तमा सेमगी नासाम ताड नोवा ति काड नोक सिनी छ्या देन्गिवी। १३ कोन्छ्योककी ज्येवु च्यालकतिवी नाङ्ला खोकी थोड मुथुपुप ति काड साड मे। खोकी थोडदाडला तेरी ताम्डेतिवा ठछ्येली थोङ्गिगी। तमा खोला राड दाक दाक्पी क्यावु लाकाकी कोर्ला तेरी ताम्डे टेङ्बु कि गोकी।

येशू चोछ्येवु कोङ्यार छ्ये यिन

१४ तुक क्यानी देवाच्येनला तेक्नी फेवु कोन्छ्योककी सेवु येशू ति चोछ्ये वोतुप तेरी सिनाड कोङ्यार छ्ये यिन्दुप तप्की दाक्पी मीतिवी मिङ्गाला सेमला लानी तेन्तेन क्यावु तेपाला मड रम्बु क्यानी देतुप। १५ खो दाक्पुला छेटाड दुडल ख्येलुप पेला टोङ्गु तेर मुथुपुप कोङ्यार छ्ये मिन। च्यिलासिसिन खो ति दाक्पु दोके तेरी ताम्डेला शैतानकी खोक्पा ल्हापला ख्येल्सुड, यिन्सिनाड खोकी

दिक्पा माक्यासुड। १६ तुक क्यानी दाक्पु ज्यिवा माक्यानी कटिन वोतुप कोन्छ्योककी ग्येलिहककी चिप्ला डोप। तमा कतुकार ख्येलुप पेला दाक्पुला कटिन ताड च्यम्बा थोप्किवी।

५ चुका कोङ्यार छ्ये साड कोन्छ्योककी मीतिवा नेसुर बेकिवी। तमा मी छ्योक नेसुर कोन्छ्योककी थोक्ला तीकी दिक्पाकी थोक्ला बुल्वा ताड सेम्ज्येन सेनी जिन्बा बुलुपकी थोक्ला ज्योकिवी। २ ती कोङ्यार छ्ये तीकी खोरो साड दिक्पा कि थुप्किवी। ती तप्की टेङ्बुला डो माशेनी लाम नोरुपतिवाला तीकी कुसु ज्यम्बु क्यानी टोङ्गु तेर थुप्किवी। ३ तुक क्यानी तीकी मीतिवी दिक्पी थोक्ला तिराड मिन, यिने खोरो दिक्पाकी थोक्ला साड सेम्ज्येन सेनी कोन्छ्योकला जिन्बा बुल गोकिवी। ४ तुका कोङ्यार छ्येकी लाका नेसुर वुङ्गुप ताङ्देन ति खोरो राड छल्नी मेङ्येवी, यिने हारूनला दोके क्यानी कोन्छ्योककी कताड नङ्गुप वुड गोकिवी। ५ तुक राड क्यानी खीष्टकी साड खोरुड राड कोङ्यार छ्ये च्युङ्नी ताङ्देन छोलुप नो माक्या। यिने

“ख्युरुड डे पुज्युड यिनो,
हारिड ड ख्योरो पपा यिनो।”*

सिनी सुङ्गुप कोन्छ्योककी राङ खोला
चिवु यिन। ९येलुङ कोन्छ्योककी
सुङला दासा यम्बाला साङ

“ख्युरुङ मल्कीसेदेककी
रिम्बाला नरीकी नरी थोकला
कोङ्यार यिनो।”*

सिनी सुङ वे।

७येशू दी जम्बुलिङला मी जुजमला
ज्युवु पेला खुरुङला शेप ने डोसु
लोङ थुपुप कोन्छ्योकला थोर ग्यप्नी
डुयी सिरा मोपोर क्यावु ति खोकी
सेन्सुङ। चियलासिसिन येशूकी
टेङ्बु क्यानी खोला ताङ्देन क्या
नाङ्सुङ। ८येशू कोन्छ्योककी सेवु
यिन्सिनाङ छेटाङ दुङल खुर्नी चुक
क्यानी खोकी कला ड्येन गोकिवी
सिरुप ति लाप्सुङ। ९तमा येशू
टेङ्बु च्युङ्नी कोन्छ्योककी कला
ड्येन्दुप तप्की येशूकी कला ड्येन्दुप
तेरी मीतिवाला खो नरीकी थोकला
दिक्पा ने थर्वा नङ्गुप च्युङ्सुङ।
१०ती तप्की कोन्छ्योककी खोला
मल्कीसेदेक दोके राङ कोङ्यार छ्ये
जो नाङ्सुङ।

**तेपाला क्युर्नी मोज्योकुप
कोर्ला टोङ्गु**

११दी ताम्डेकी कोर्ला ड्यिरा
ख्यिराङला सि गोवु याङ बडी वे,
यिन्सिनाङ ख्यिराङ डमु हाक्मोकोवु
गल वे। तुक क्यानी ख्यिराङला हाक्को

ज्यितुप छासे कले वे। १२ख्यिरा तेपा
क्यावु ति लो अलायी गाल, तुक
क्यानी त याङ ख्यिराङ गेकेन के
च्युङ गोवु ति यिन्जा, यिने तरोङ साङ
ख्यिराङला ललाङकी कोन्छ्योककी
सुङगी कोर्ला गोमा नेज्युनी येलुङ
लोप गोवु नोक। ख्यिराङ याङ समा
क्योङ्बु साप मिन, आमी नुम तिराङ
थुङ्गुप आडा टिक्पे दोके नोक।
१३आमी नुम तिराङ थुङ्गुप मी ति
आडा टिक्पे दोके यिन। ती आडा
टिक्पेला कोन्छ्योककी सुङ टेङ्बुकी
येन्देन ति हाक्मोकोवी। १४यिने समा
क्योङ्बु याङ मी ज्येन्दातिवी थोकला
तिराङ यिन। तुका मीतिवी नरी तालिम
क्यावु तप्की ल्यामु ताङ मेलोवा काङ
यिन सिनी बे थुपुप गिवी।

६ तुक क्यानी दाक्पु ख्रीष्टकी
कोर्ला गोमाला लापुप येन्देनतिवा
येलुङ लोपुप क्युर्नी मङ मङ रम्बु
हाक्को थुपुप च्युङ्गियन डोप। शेप
ते क्योलुप लाकातिवा नेसुर सेम
ग्युरुप ताङ कोन्छ्योकला तेपा
कितुप ताङ २बप्तिस्माकी कोर्ला
लापुप येन्देनतिवा ताङ मी यम्बी
गोला लाक्पा ज्याक्नी मोपोर कितुप
ताङ शेप ने सेन्बु लोङ्गुप ताङ तिङ्मी
तुजेला कोन्छ्योककी ठिम क्या
नङ्गुपकी कोर्ला येन्देन लोपुप ति
गोमाला लापुप येन्देनतिवा यिन्दुप
तप्की तीला तिराङ लाप्नी मादे।

३दोजो कोन्छ्योककी नोवा वोसुड
सिसिन दाक्पु ती तेरी येन्देनतिवा मड
रम्बु हाक्कोवु च्युङ्गिगीवी।

४च्यिलासिसिन सी थेङ्मा यी
कोन्छ्योककी सुड टेङ्बु थोवु ताड
देवाच्येनकी कटिन हाक्को वे, तमा
कोन्छ्योककी थु चाङ्मा थोप्नी वे,
५सी कोन्छ्योककी खक्छ्येवु सुड
हाक्कोवु ताड ज्युक्थमाकी कल्वाला
कोन्छ्योककी क्या नङ्गुप डारकी
कोर्ला हाक्को वे, ६यिन्सिनाड तिवा
तेपा कितुप क्युर्नी थेन गल्सिन, येलुड
सेम ग्युर्नी वुड मुथुपी। तुका मीतिवी
कोन्छ्योककी सेवुला येलुड थेङ्मा
च्यिक ग्यङ्गिशडला ग्येल च्यिनी मी
मिङ्गाला खोला मारे तोङ्गिगीवी।

७छ्यर्वा नरी ग्यप्सिमा शिड
बोकिवी, तमा सशिडकी लाका
कितुप मीतिवी थोक्ला डुप्सेन ल्यामु
ल्येसिन तुका सशिडला कोन्छ्योककी
मोलाम नङ्गिगीवी। ८यिने ती शिड
खला छेक्योक् ताड युर्मा तिराड
क्येसुड सिसिन ती ति काड साड फेन
मोथोवी। तुका शिडला कोन्छ्योककी
मोताप सुक थुप्किवी। तमा ती शिड
खला मे ग्यप्नी ना डिवी।

९यिने डे ड्यङ्ग्येवु अच्युनपतिवा,
ड्यिरा तुका ताम्डे क्यासिनाड ख्यिरा
थोक्ला ति दिक्पा ने थरुप ताड मड
मोलाम वुङ्गुप ताम्डे ल्यामु वे सिनी
ड्यिराडला तेन्तेन वे। १०ख्यिरा यम्बा

तेपा कितुपतिवाला शब्ज्यी क्यासुड,
तमा तरोड साड कियी वे। कोन्छ्योक
ति मीला ख्ये मापेवा क्यानी ठिम क्या
नङ्गुप कोन्छ्योक यिन। खोला तेपा
कितुपतिवाला ख्यिरा शब्ज्यी क्यावु
ताड ड्यङ्ग्ये क्यावु ति खोकी
मेज्येवी। ११ख्यिराड रे रेकी रेवा
क्यावु ति तेरी च्युङ्गुपला तुक क्यावु
ति तिङ्गला सेक तुकै राड क्यानी
देकिवी सिरुप ति ड्यिरा नोवा वे।
१२ख्यिराड छेरा माकी, यिने खोला
तेपा कितुप ताड हम क्या देनी खोकी
थाक्छ्येन नङ्गुप ति थोपुप मीतिवा
दोके च्युङ्गुशी सिरुप ति ड्यिरा नोवा
वे।

कोन्छ्योककी तेन्तेन थाक्छ्येन नङ्गुप

१३कोन्छ्योककी अब्राहामला
थाक्छ्येन नङ्गुप पेला खो सिनाड
यम्बा सु साड छ्ये मेतुप तप्की खोरे
मिडला दुक सिनी न क्याल्सुड,
१४“वुतुड के ड ख्युरुडला मोलाम
बडी तेरिन, तमा ख्योरो गिपातिवा
बडीकी बडी फेल ज्यितिनो।” *
१५तमा अब्राहामकी कोन्छ्योककी
कला ड्येन्नी हम क्यानी गुनी देतुप
तप्की अब्राहामला खोकी थाक्छ्येन
नङ्गुप मोलाम ति तेरी थोप्सुड।
१६मीतिवा खोप्राड सिनाड मी
छ्येतिवी मिडला न क्योलिगीवी, तमा

न क्यल्नी राड सिक्कावु ताम्डेतिवा तेन्तेन कितुप ताड तेरी खाँदातिवा डिकिवी। ^{१७}तुक राड कयानी कोन्छ्योककी याड खोकी थाक्छ्येन नङ्गुप मोलाम थोपुपतिवाला खोकी थाक्छ्येन नङ्गुप ति नाम्साड मोफोवु कयानी तेरुप सिनी तेन्तेन कितुपला न क्याल्मुड। ^{१८}कोन्छ्योककी दाक्पुला थाक्छ्येन नङ्गुप ताड न क्यल नाङ्सुड। ती ताम्डे ड्यी ति नाम्साड मोफोवी, च्यिलासिसिन कोन्छ्योककी जिनोक जो मुथुपी। तुक कयानी दाक्पु ज्होकुपकी थोक्ला टोनी वावुतिवाला दाक्पी दोङ्ला ज्यकुप रेवा ति थोपुपला छासे डाडेड ग्येपु ड्येन वे। ^{१९}ती रेवाला राड दाक्पी मिजी ति रेन्नी देन वे। दी रेवा ति ग्येम्छो नाङ्ला वोतुप टुला लङ्गार ग्यप्सिमा टु ति ज्होकुप दोके दाक्पी सेमला रम्बु ताड ज्होकुप च्युङ्नी वे। तमा ती रेवा ति यहूदी ल्हडाङ्ला ग्यपुप गोयोल नङ्गी छासे चाङ्मा वोतुप दासा सेक लेपुपला दाल्जा किवी। ^{२०}दाक्पी छ्योकला येशू ति दाक्पु सिनाड गोमाला के ती गोयोल नाङ्ला फेप्नी नरीकी नरी थोक्ला मल्कीसेदेक दोके कोङ्यार छ्ये च्युङ्नी वे।

कोङ्यार छ्ये

मल्कीसेदेककी कोर्ला

७ ती मल्कीसेदेक ति शालेमकी ग्येल्बु ताड चोछ्येवु कोन्छ्योककी कोङ्यार यिनोक।

अब्राहामकी ग्येल्बुतिवी मुला मक ग्यप्नी तिवी खला ग्येल्नी लोड वुङ्गुप पेला तीकी अब्राहामला ठेनी मोलाम बिन्दुप यिन। ^२तमा अब्राहामकी साड खोरो मक नेसुर ग्येल्नी खुर वावु तेरी च्यालकतिवी नाङ्ला छो च्यिथम्बी नाड ने छो च्यिक ति मल्कीसेदेकला बुल्वा पुल्लोक।

मल्कीसेदेक सिक्कावु तेन्दोक ति गोमाला टेङ्बुकी ग्येल्बु सिक्कावु यिन। तमा ती ज्युक्ला शालेमकी ग्येल्बु साड च्युङ्गुप तप्की तीला लोदिमुकी ग्येल्बु सिक्कावु यिन। ^३ती मल्कीसेदेककी पपाआमा ताड पगावा हङ्गावातिवा सु यिन सिरुप ति कोन्छ्योककी सुङ्गी नाङ्ला कनी साड टिनी मे। तमा खो क्येवु ताड खो शेपकी कोर्ला साड टिनी मे। यिने खो ति कोन्छ्योककी सेवु दोके कयानी नरीकी थोक्ला कोङ्यार च्युङ्नी देकिवी।

^४तुक कयानी मल्कीसेदेक चो ओड छ्येवु नोक सिरुप ति ख्यिरा नासाम तोड। दाक्पी हङ्गावा अब्राहामकी साड खोरो मक नेसुर ग्येल्नी खुर वावु तेरी च्यालकतिवी नाङ्ला छो च्यिथम्बी नाड ने छो च्यिक ति तीला पुल्लुड। ^५लेवीकी गिपाकी कोङ्यारतिवा तेरी अब्राहामकी पेजातिवा यिन्सिनाड तिवी खोरो इस्राएलकी मीतिवी शम्बुप टोङ्बी नाड नेसुर च्यिथम्बी नाड ने च्यिक ति दुकिवी। ती ति तिवाला

ठिमकी कि च्यितुप यिन। ६यिने मल्कीसेदेक याड लेवीकी गिपा मिन। यिन्सिनाड अब्राहाम नेसुर च्यिथम्बी नाड ने च्यिक ति लासुड। तमा कोन्छ्योककी थाक्छ्येन नङ्गुप ति थोपुप अब्राहामला तीकी मोलाम बिन्सुड। ७मोलाम थोपुप ति सिनाड मोलाम तेरुप ति छ्ये यिन सिरुप ति तेरीला छ्या वे। ८माडशोक मीतिवी च्यिथम्बा नाड्ला च्यिक ति कोड्यारला बुल्गिवी, यिने तेरी कोड्यारतिवी नाड्ला मल्कीसेदेक मिसिन तेरी कोड्यारतिवा शिवी। च्यिलासिसिन कोन्छ्योककी सुडला खो ति सेन्बु वे सिनी सुड वे। ९त याड मीतिवी च्यिथम्बा नाड्ला च्यिक ति लेवीकी गिपाला बुल्गिवी। तुक क्यासिन अब्राहामकी मल्कीसेदेकला च्यिथम्बा नाड्ला च्यिक ति बुलुप पेला लेवीकी साड खोला च्यिथम्बा नाड्ला च्यिक ति पुल्सुड सिनी सि थुष्किवी। १०च्यिलासिसिन अब्राहामकी मल्कीसेदेकला च्यिथम्बा नाड्ला च्यिक ति पुल्सिमा लेवी ति अब्राहामकी गिपाला क्येसुड। यिन्सिनाड अब्राहामकी मल्कीसेदेकला ठेतुप पेला सेक लेवी ति माक्येनोक।

येशू मल्कीसेदेक दोके वोतुप कोर्ला

११इस्त्राएलकी मीतिवाला नङ्गुप मोशाकी ठिमला लेवीकी गिपातिवाला

कोड्यारकी लाका कितुप ओड्ज्येन नाड्सुड। यिन्सिनाड ती कोड्यारतिवी नाड ने सी साड मीतिवाला टेडुबु जो माथुप्नोक। तुक क्यानी मल्कीसेदेक दोके हारूनकी गिपा सिनाड यम्बा कोड्यार च्यिक वुड गोकिवी। १२दोजो कोड्यारतिवा बेतुप लुकसु पोसिन मोशाकी ठिम साड फो राड गोकिवी। १३च्यिलासिसिन सी कोर्ला ती ताम्डेतिवा सिक्यावे, खो ति यम्बा गिपाकी ति यिन। खोकी गिपाला सी साड जिन्बा बुलुप दासाला कोड्यार छ्येकी लाका माक्या वे। १४दी ताम्डे ति तेरीला छ्या वे, दाक्पी चोवो येशू ति यहूदाकी गिपा नेसुर च्युड्सुड। यिन्सिनाड यहूदाकी गिपा नेसुर कोड्यार च्युड्गुप कोर्ला ति मोशाकी काड साड सिमाक्या।

१५मल्कीसेदेक दोके यम्बा कोड्यार मिरा च्यिक वावु यिन्सिन दाक्पी काड सिक्यासिनाड ती ताम्डे ति छासे ल्यामु क्यानी हाक्कोवु च्युड्गिगी। १६खो मीतिवी जोवु ठिम नेसुर कोड्यार च्युड्गुप मिन, यिने नाम्साड मिशिवु डार नेसुर कोड्यार च्युड्गुप यिन। १७तीकी कोर्ला कोन्छ्योककी सुडला साड

“ख्युरुड ति मल्कीसेदेक दोके नरीकी नरी थोक्ला कोड्यार यिनो।”*

सिनी टि वे।

१८ ती ठिम डियिङ्बा ति काड साड कि मुथुपुप ताड फेन मोथोवु तप्की क्युनी ज्यकुप यिन। १९ च्यिलासिसिन ती ठिमकी सुला साड कोन्छ्योककी थोड्दाडला टेड्बु जो माथुप। तुक क्यानी तीकी छापला कोन्छ्योककी दाक्पुला मड ल्यामु रेवा च्यिक नड वे। ती रेवाकी दाक्पुला कोन्छ्योककी चाला क्योल्लिगी।

२० यम्बा ताम्डे च्यिक ति काड यिन सिसिन कोन्छ्योककी न क्यलुप यिन। लेवीकी गिपा नेसुर कोङ्यार च्युङ्गुप पेला कोन्छ्योककी न माक्याल, यिने येशूला कोङ्यार जो नङ्गुप पेला ति खोकी न क्याल्सुड। २१ कोन्छ्योककी खोला न क्यल्ली कोङ्यार जो नङ्गुप कोर्ला खोकी दुक सुङ्नी वे,

“चोवो कोन्छ्योककी न क्यलुप ति नाम्साड मोपोवी।

ख्युरुड नरीकी नरी थोक्ला कोङ्यार यिनो।”*

२२ तुक सुङ्गुप तप्की येशू ति कोन्छ्योक ताड मीकी पर्ला थाक्छ्येवु ताम्डेकी थोक्ला तेन्तेन क्या नाङ्सुड।

२३ येलुड यम्बा ताम्डे च्यिक ति काड यिन सिसिन गोमाला ति कोङ्यारतिवा बडी वोसिनाड तिवा कोङ्यारकी लाका ति नरी कि माथुप्नोक। च्यिलासिसिन तिवा डियमा च्यिक शिवी। २४ यिने येशू ति नरीकी नरी डोसु ज्युवु तप्की खो नरीकी थोक्ला

कोङ्यारकी लाका कितुप च्युङ्सुड। २५ तुक क्यानी खोला तेपा क्यानी कोन्छ्योककी चिप्ला वुङ्गुपतिवा तेरीला खोकी वुतुड के दिक्पा ने थर ज्यिकिवी। च्यिलासिसिन तेपा कितुपतिवा थोक्ला कोन्छ्योकला मोपोर ताड गोङ्बा शोपला खो नरी डोसु ज्यिकिवी।

२६ दाक्पी थोक्ला गोवु कोङ्यार छ्ये ति येशू यिन। खो चाङ्मा ताड क्येन मेतुप ताड टेड्बु वे, तमा दिक्छेनतिवा नेसुर कुतुक पेनी देवाच्येन सिनाड येर तेक्नी वे। २७ खो ति यम्बा कोङ्यार छ्येतिवा दोके मिन। यम्बा कोङ्यार छ्येतिवा खोरो दिक्पी थोक्ला ताड ती ज्युक्ला मी यम्बी दिक्पी थोक्ला डियमी टेड जिन्बा तोड गोकिवी, यिने खो याड थेङ्मा च्यिकला राड खोरो मिजी ति जिन्बा च्युङ्सुड। २८ मोशाकी ठिमकी याड खोकी सुङ्गुप दोके कि मुथुपुप मीतिवाला कोङ्यार छ्ये सिनी चिसुड, यिने ती ठिमकी ज्युक्ला वावु कोन्छ्योककी थाक्छ्येन नङ्गुप सुङ्गी नरीकी थोक्ला खोकी सुङ्गुप दोके वुतुड के तेरी क्या नङ्गुप खोरे पुज्युडला पेन नाङ्सुड।

दाक्पी कोङ्यार छ्ये येशू

त डियरा सिक्यावु खक्छ्येवु ताम्डे ति दी राड यिन, दाक्पी थोक्ला तेरी सिनाड कोङ्यार छ्ये

मिरा च्यिक ज्यु वे। खो देवाच्येनकी चोछ्येवु कोन्छ्योककी ग्येलिठककी यावी थाकाला ज्यु वे। २ते खो तेरी सिनाड चाड्मा वोतुप दासाला कोड्यार छ्येकी लाका कियी वे। ती दासा ति यहूदीतिवी कोन्छ्योकला सोवा देकुप कुर यिन। ती ति मीतिवी जोवु मिन, चोवो कोन्छ्योककी जो नङ्गुप वुतुङ्की चाड्मा वोतुप दासा यिन।

३तेरी कोड्यार छ्येतिवा ति बुल्वा ताड सेमज्येन सेनी जिन्बा बुलुपला पेतुपतिवा यिन। तुक क्यानी दी कोड्यार छ्येकी साड काड रे च्यिक रे बुल्वा बुल राड गोकिवी। ४खो दी जम्बुलिडला राड ज्यु वोतुप यिन्सियाड कोड्यार मुच्युङ्गिगी। च्यिलासिसिन मोशाकी टिवु कोन्छ्योककी ठिमला सुङ्गुप दोके बुल्वा बुलुप कोड्यारतिवा याड गोमा नेज्यु राड वोतुप्जा। ५तिवी शब्ज्यी कितुप दासा ति वुतुड के मिन, देवाच्येनकी चाड्मा वोतुप दासा दोके पेशुवु तिराड यिन। च्यिलासिसिन मोशाकी यहूदीतिवी कोन्छ्योकला सोवा देकुप कुर जोप पेला कोन्छ्योककी मोशाला “ख्युरुडला डे सीनै रीला छ्या तेन्दुप दोके तुकै राड क्यानी तेरी च्यालकतिवा जोपला सेम यी कुक।”* सिनी क नाड वे। ६यिने येशू ख्रीष्टकी क्या नङ्गुप कोड्यारकी लाका

ति कोन्छ्योककी मोशाला नङ्गुप ठिमला वोतुप कोड्यारकी लाका सिनाड मड खक्छ्येवु वे। तुक क्यानी येशूकी कोन्छ्योक ताड मीतिवी पर्ला थाक्छ्येवु ताम्डे जोपला डिक्सुड। ती थाक्छ्येवु ताम्डे ति मोशाला नङ्गुप ठिम ड्यिङ्बा सिनाड मड खक्छ्येवु वे। च्यिलासिसिन कोन्छ्योककी मीतिवाला ती सिनाड मड ल्यामु ताम्डे तेरुपला थाक्छ्येनी खोकी मी ताड मुला ताम्डे सम्बा थाक्छ्येन नाङ्सुड।

७दो जो थल्माला कोन्छ्योक ताड मी पर्ला थाक्छ्येवु ताम्डे ति क्यान मेतुप च्युडिसयाड थाक्छ्येवु ताम्डे ड्यिवा ति जो राड मोगोवु ति यिन्जा। ८यिने मीतिवाला क्यान फोकुप हाक्कोनी कोन्छ्योककी दुक सिनी सुङ्सुड,

“त ती तुजे गितो,

चोवो कोन्छ्योककी सुङ्गिगी,

ती तुजेला इस्राएलकी मीतिवा

ताड यहूदाकी मीतिवी मुला

ड थाक्छ्येवु ताम्डे सम्बा

च्यिक जोयिनो।”*

९येलुड चोवोकी दुक सुङ्सुड,

“ती सम्बा थाक्छ्येतुप ति तिवी

हङ्गावातिवाला डे मिश्र

लुङ्बा नेसुर तेन्नी टिनी

वुङ्गुप पेला तिवी मुला

थाक्छ्येतुप दोके मेवितो।

यिने तिवी डे थाक्छ्येतुप

ताम्डेला माङ्येन।

तुक क्यानी डे तिवाला ड्याम
माक्या।”

१० येलुड चोवोकी दुक सुडसुड,
“ती तुजेकी ज्युक्ला ड
इसाएलकी मीतिवी मुला
थाक्छ्येवु ताम्डे च्यिक
जोयिनो।

तिवी नासामला ड डे ठिम ति
ज्याड तेरिन,

तमा तिवी सेमला ति दी
ठिमतिवा टिकिनो।

तमा ड ति तिवी कोन्छ्योक यिनो,
तिवा ति डे ज्यिकतेम्बातिवा
यिनो।


११ तफेन्ला सी साड कोन्छ्योकला
डो शेवा कि सिनी खोरो
युल्वातिवा ताड खोरो
अच्युनुपतिवाला मोलोप्तो।
च्यिलासिसिन तिवा छ्ये नेज्यु
छ्युडा सेक तेरीकी डला डो
शेकितो।

१२ ड तिवी क्यावु लाका दुक्टातिवा
तेरी माफ तेरिनो,
तमा तिवी क्यावु दिक्पातिवा
नाम्साड नासाम मोतोड्दो।”

१३ खोकी “थाक्छ्येवु ताम्डे सम्बा”
सिनी खोकी गोमाला थाक्छ्येवु
ताम्डेला डियड्बा जो नाड्सुड।
तमा ती डियड्बा गलुप ताड फेन
मोथोवुतिवा ति तेरी डमु राड तोर्नी
डिवी।

जम्बुलिड ताड देवाच्येनला वोतुप
दासा चाड्मा

६ थल्माला कोन्छ्योक ताड
इसाएलकी मीतिवा पर्ला
थाक्छ्येतुप ताम्डेला साड
कोन्छ्योकला सोवा देकुप कोर्ला
ठिमतिवा नोक। तमा ती ठिमला
वोतुप दोके सोवा देकुपला मीतिवी
राड जोवु चाड्मा वोतुप कुर च्यिक
नोक। २ती चाड्मा वोतुप कुरकी
नाड्ला जे ड्यी नोक। फीकी जेकी
नाड्ला ति मेलाड ताड च्योकची ताड
ती च्योकची खला कोन्छ्योकला
पुलुप शुब्ज्याडतिवा नोक। ती जेला
ति चाड्मा वोतुप दासा सिनोक। ३तमा
जेतिवी पर्ला ति गोयोल ग्यप्नी नोक।
ती गोयोलकी ग्यप्ला वोतुप नड्गी जे
तीला ति तेरी सिनाड चाड्मा वोतुप
दासा सिनोक। ४ते सेरकी पोके ताड
सेर थ्वोनी कोर्नी जोवु कोन्छ्योककी
थाक्छ्येतुप तेर्गाम नोक। ५तीकी
नाड्ला मन्न देवु सेरकी नेक्योक
ताड ज्योक ग्यावु हारूनकी पेर्का
नोक, तमा कोन्छ्योककी थाक्छ्येन
नड्गुप ताम्डेतिवा नड्गुप पैला
मोशाला बिन्दुप ठिम च्यिथम्बातिवा
टिवु दे येम्ज्ये ड्यी साड नोक। ६ती
तेर्गामकी खला कोन्छ्योककी मोवा
छ्या देन्दुप करूब सिरुप देवाच्येनकी
लेन क्योलुप थुतिवा नोक। ती लेन



६दी याड तसाम पेकी तुजेकी थोक्ला पे च्यिक तिराड यिन। दीकी काड हाक्कोकिवी सिसिन कोन्छ्योकला बुल्वा ताड सेम्ज्येन सेनी जिन्बा बुलुप मीतिवी सेम ति टेड्बु च्युड मुथुपी। १०ती बुल्वा ताड जिन्बा पुलुप ति साप थुङ्गुप ताड नम्बा कुतुक कुतुककी चाङ्मा जोप ठिमतिवा तेन्दुप दोके तिराड यिन। ती ठिमतिवा ति कोन्छ्योककी नङ्गुप यम्बा ठिम सम्बा माफोवा सेककी थोक्ला बिन्दुप क तिराड यिन।

ख्रीष्टकी ठक

क्योलुप थुतिवी शोक्पा ति दिक्पा पङ्गुप दासाकी खला ग्यानी नोक। तीकी कोर्ला ति तन्दा राड दाक्पी तेरी सि मुथुपी।

६ती तेरी टडिक क्या सिन्सिमा जे तड्बुला वोतुप दासा चाङ्माला कोङ्ग्यारतिवा डियमी टेड दाक दाक्पी कि गोवु लाकातिवा तेरी कितुपला डिनोक। ७यिने जे डियवी नाङ्ला ति कोङ्ग्यार छ्ये तिराड लोला थेङ्मा च्यिक ठक खुर्नी डिनोक। ठक माखुर्सिन ती नाङ्ला शुक मुथुप्नोक। ती ठक ति खोरो दिक्पी थोक्ला ताड मीतिवी हाक्माकोनी क्यावु दिक्पी थोक्ला जिन्बा बुलुपला यिन। ८तुक क्यानी कोन्छ्योककी थु चाङ्माकी दाक्पुला काड लोप्किवी सिसिन, जे तड्बुला वोतुप दासा चाङ्मा ति मादोवा सेक्ला तेरी सिनाड दासा चाङ्माला शुकुप लाम ति मेपेवी।

११यिने येशू ख्रीष्ट याड दे वावु ताम्डे ल्यामु तेरीकी कोर्ला कोङ्ग्यार छ्ये दोके च्युङ्नी फेप्सुड। खो फेवु दासा चाङ्मा ति तेरी सिनाड ग्येपु ताड खक्छ्येवु वोतुप दासा यिन। ती दासा ति मी लाक्पी जोवु मिन, दी जम्बुलिङकी दासा दोके साड मिन। १२खो दासा चाङ्मा नेसुर क्यानी तेरी सिनाड चाङ्मा वोतुप दासाला फेप्सुड। ती पेला खो रौ ताड लङ्गुकी ठक खुर्नी फेपुप मिन, यिने खो ग्यङ्गिङला टुङ्नी थेन्दुप खोरे ठक नेसुर थेङ्मा च्यिकला राड फेप्नी ती ठक नेसुर खोकी दाक्पी थोक्ला नाम्साड मिशिवु थर्वा ड्येसुड। १३रौ ताड मयेनकी ठक ताड लङ्गु जिन्बा बुलुपला ज्हेवु थल्जाम ति मेचेङ्गा मीतिवी जुला थोर्सिन मीतिवी जु ति चाङ्मा जेवी सिसिन, १४नरीकी नरी

लुवु कोन्छ्योककी थु चाङ्माकी ओडला खुरुड राड क्येन मेतुप बुल्वा च्युङ्नी कोन्छ्योकला बुलुप ख्रीष्टकी ठककी याड मड छासे क्यानी शेष ते क्योलुप लाकातिवा नेसुर दाक्पी सेम ति टेङ्बु जोनी डोसु वोतुप कोन्छ्योकला शब्ज्यी कि थुपुप मोजोवी रो?

^{१५}तुक क्यानी ख्रीष्ट ति कोन्छ्योक ताड मीतिवी पर्ला थाक्छ्येतुप ताम्डे सम्बाला डिङ तेरुप लाका क्या नङ्गिगी। खोकी तुक क्या नङ्गुप ति कोन्छ्योककी कतङ्गुप मीतिवाला नरीकी थोक्ला खोकी थाक्छ्येन नङ्गुप मोलाम ति थोप्शी सिनी यिन। च्यिलासिसिन खो मीतिवी गोमी थाक्छ्येतुप ठिमला क्यावु दिक्पा ने थर ज्यितुपला टुङ्सुड।

^{१६}मीतिवी पर्ला थाक्छ्येतुप ताम्डे ति मीतिवा शेष सिनाड गोमाला खज्यम ज्यकुप दोके राड यिन। सी खुरुड शेष सिनाड गोमाला खज्यम ज्याक्सिनाड ती ति माशिवा सेक तीकी खज्यम ज्यकुप ताम्डे ति फेन मोथोवी। ^{१७}च्यिलासिसिन ती मी ति शिसिमा तिराड तीकी खज्यम ज्यकुप ताम्डे ति लाका कि थुक्किवी। खज्यम ज्योक्पुप मी ति सेन्बु वोता सेक ती खज्यम ज्यकुप ताम्डेकी लाका कि मुथुपी। ^{१८}तुक क्यानी गोमाला थाक्छ्येतुप ताम्डेला साड ठक मातेन्दा सेक्ला लाका कि

माथुप। ^{१९}मोशाकी कोन्छ्योककी नङ्गुप ठिमला वोतुप कतिवा तेरी मीतिवाला सिक्पासिमा लङ्गु ताड रौकी ठक ति छ्यु ताड मुला ज्हेनी पाल मर्वु ताड हिसपकी येल्लाला पानी ठिमकी थपकी खला ताड तेरी मीतिवी खला थोर्नी, ^{२०}“दी ठक ति कोन्छ्योक ताड ख्यिरा पर्ला थाक्छ्येतुप ताम्डे यिन, तीला ड्येन गोकिवी।”* सिनी तिवाला सिक्पासुड। ^{२१}तुक राड क्यानी मोशाकी चाङ्मा वोतुप कुरकी खला ताड सोवा देकुप पेला थोकुप तेरी च्यालकतिवी खला साड ती ठक ति थोर्सुड। ^{२२}वुतुड के कोन्छ्योककी नङ्गुप ठिमला सिक्पावु दोके ठक तेन्सिन तिराड माङ्शोक तेरी चाङ्मा जो थुक्किवी। तमा ठक मातेन्सिन दिक्पा मतावी।

येशू ख्रीष्टकी ठककी तिराड दिक्पा ताकिवी

^{२३}दी जम्बुलिङला वोतुप देवाच्येनकी च्यालक जुमातिवा चाङ्मा जोपला सेम्ज्येन सेनी जिन्बा बुल गोसुड सिसिन देवाच्येनला वोतुप च्यालकतिवाला चाङ्मा जोपला याड ती सेम्ज्येन सिनाड मड खक्छ्येवु ठककी जिन्बा तोड गोकिवी। ^{२४}तुक क्यानी ख्रीष्ट याड मी लाक्पी जोवु चाङ्मा वोतुप कुरकी नाङ्गला फेवु मिन, ती कुर ति देवाच्येनकी कुर नेसुर पेशुवु

तिराड यिन। यिने खो ती देवाच्येनला राड फेप्सिमा दाक्पी छ्योकला कोन्छ्योककी थोड्दाडला ज्यु वे। ^{२५}यहूदी कोड्यार छ्ये याड सेम्ज्येनकी ठक खुर्नी तेरी सिनाड चाड्मा वोतुप दासाला ले टेड शुकिवी, यिने येशू ख्रीष्ट याड ती दोके क्यानी खुरुड राड जिन्बा बुलुपला येलुड येलुड देवाच्येनला माफेप। ^{२६}मिसियाड जम्बुलिड ज्येङ्गुप पेला नेज्यु तन्दा सेक ख्रीष्टकी येलुड येलुड दुक्पा खुर गोवुजा। यिने खो याड दिक्पा पङ्गुपला थेङ्मा च्यिकला राड जिन्बा च्युङ्गुपला दी कल्वाकी तिङ्मी तुजेला फेप्सुड। ^{२७}मी ति थेङ्मा च्यिक वुतुड के शिवी, शिसिमा तीला कोन्छ्योककी ठिम फोकिवी। ^{२८}तुक क्यानी ख्रीष्ट ति मी बडीकी दिक्पा ता ज्यितुपला थेङ्मा च्यिकला राड खुरुड जिन्बा च्युङ्गुसुड। त खो थेङ्मा डियवाला येलुड फेप्किवी। खो येलुड फेपुप पेला दिक्पा खुरुपला मिन, यिने खो फेवु लाम लहानी देतुपतिवाला थर ज्यितुपला फेप्किवी।

ख्रीष्ट थेङ्मा च्यिकला तेरीकी

थोक्ला जिन्बा च्युङ्गुप

१० मोशाकी ठिम ति वुतुङ्की ताम्डे टेङ्बु मिन, यिने ज्युक्ला वुङ्गुप ताम्डे ल्यामुकी पेशुवु तिराड यिन। तुक क्यानी ले टेड येलुड

येलुड जिन्बा पुलनी कोन्छ्योककी चिप्ला डोप छोलुप मीतिवाला टेङ्बु जो मुथुपी। ^२दोजो ती जिन्बा पुलनी मी दिक्पातिवा नरीकी थोक्ला ताकिवी सिसिन ती जिन्बा तोङ्गुपतिवा थेङ्मा च्यिकला राड टेङ्बु च्युङ्गी तिवा दिक्पी थोक्ला नासाम राड तोड मोगोवु ति यिन्जा। तमा ती जिन्बा बुलुप ति क्युर्नी ज्योकुप यिन्जा। ^३यिने ती जिन्बा तोङ्गुप लाका क्यानी याड दाक्पुला ले टेड ड दिक्छेन यिन सिरुप नासाम शर ज्यिकिवी। ^४च्यिलासिसिन लङ्गु ताड रौकी ठककी नाम्साड मी दिक्पा ता ज्यि मुथुपी। ^५तुक क्यानी ख्रीष्ट दी जम्बुलिडला फेपुप पेला खोकी कोन्छ्योकला दुक् सुङ्गी वे,

“जिन्बा ताड बुल्वातिवा चोवोला मोगोवी,

यिने चोवोकी डे थोक्ला जु च्यिक टडिक क्या नड वे।

^६मीतिवी सेम्ज्येन सेनी ज्हेसिमा जिन्बा पुलुप ताड दिक्पी थोक्ला बुल्वा पुलुप ति चोवोला गा मलङ्गिगी।

^७तमा डे ‘ओ कोन्छ्योक, ल्हो ताड ड दे वे।

कोन्छ्योककी सुडला डे कोर्ला टि वोतुप दोके ड ख्योरे नोवाला वोतुपतिवा तेरी छे ज्यितुपला वावु यिन।’ सिनी सिक्पायी।”*

८ गोमाला खोकी दुक सुङ्नी वे,
 “जिन्बा ताड बुल्वातिवा ताड सेम्ज्येन
 सेनी ज्हेसिमा जिन्बा पुलुप ताड दिक्पी
 थोक्ला बुल्वा पुलुप ति चोवोला
 मागोसुड, तमा गा साड माक्यासुड।”
 यिन्सिनाड तिवा ति कोन्छ्योककी
 ठिमला सुङ्गुप दोके क्यावु तिराड
 यिन। ९ ज्युक्ला येलुड खोकी दुक
 सुङ्सुड, “ओ चोवो कोन्छ्योक,
 चोवोकी नोवाला वोतुपतिवा तेरी छे
 ज्यितुपला ड वायिन।” कोन्छ्योककी
 गोमी जिन्बातिवा क्युर्नी तीकी छापला
 यम्बा च्यिक टडिक क्या नाङ्सुड।
 १० तुक क्यानी ती कोन्छ्योककी
 नोवा तेरी छे ज्यितुपला राड येशू
 ख्रीष्ट खुरुड राड थेंड्मा च्यिकला
 राड जिन्बा च्युङ्नी दाक्पुला टेङ्बु
 जो नाङ्सुड।

११ तेरी कोङ्यारतिवा जिन्बा नम्बा
 च्यिक तिराड येलुड येलुड बुलुपला
 डियमी टेड शब्ज्यी कितुपला लानी
 देकिवी। यिने ती बुल्वाकी नाम्साड
 दिक्पा ता ज्यि मुथुपी। १२ यिने
 ख्रीष्टकी याड थेंड्मा च्यिकला
 नरीकी थोक्ला खोरुड राड जिन्बा
 च्युङ्सुड। तमा खो कोन्छ्योककी
 यावी थाकाला ज्युसुड।* १३ तमा
 खोकी खोरे डतिवाला खोरे शपकी
 वोक्ला मालेप्वा सेककी थोक्ला खो
 गुनी देन वे। १४ तमा खो च्यिक राड
 जिन्बा च्युङ्नी दिक्पा नेसुर चाङ्मा

जोवु मीतिवा तेरीला नरीकी थोक्ला
 टेङ्बु जो नाङ्सुड।

१५ तुक क्यानी कोन्छ्योककी थु
 चाङ्माकी साड दाक्पुला खोकी
 सुङ्गुप ताम्डेतिवा गोमाला दुक सिनी
 पङ्बु तेर्किवी,

१६ “चोवो कोन्छ्योककी तुक सिनी
 सुङ्गिगी,

‘ज्युक्थमी डियमाला तिबी मुला
 डे थाक्छ्येतुप ताम्डे ति दी
 राड यिनो,

ड डे ठिम ति तिबी सेमला
 ज्योकिनो,

तमा तिबी नासामला साड टिनी
 तेरिनो।’”*

१७ येलुड खोकी दुक साड सुङ्गिगी,
 “तिवी क्यावु दिक्पा ताड तिबी
 क्यावु लाका दुक्टातिवा ड
 येलुड नासाम मोतोड।”

१८ त याड तेरी दिक्पातिवा माफ
 बिन्दुप तप्की येलुड दिक्पी थोक्ला
 काड साड जिन्बा बुल मोगोवी।

तेन्तेन क्यावु रेवाला रम्बु क्यानी
 देतुप कोर्ला

१९ तुक क्यानी अच्युनुपतिवा, त
 याड येशूकी ठककी जोसालेन्सिन
 दाक्पु तेरी सिनाड चाङ्मा वोतुप
 दासाला डाडेड क्यानी शुकुप
 ड्येकिवी। २० खो टुङ्सिमा दाक्पुला
 चाङ्मा वोतुप कुरकी नङ्गी गोयोल

नेसुर मिजी सम्बा थोपुप लाम सम्बा पेनी वे। ती गोयोलकी तेन्दोक ति खोकी जु यिन। ^{२१}कोन्छ्योककी मिछाडला दाक्पी थोकला चोछ्येवु कोङ्यार मिरा च्यिक वोतुप तप्की ^{२२}दाक्पी सेम टेङ्बु नेसुर तेपा रम्बु जोनी कोन्छ्योककी चिप्ला डोप। तमा दाक्पी सेमला येशूकी ठक थोर्नी दुक्टा क्यासिमा सेम नेसुर वुङ्गुप क्येन ति टेङ्बु जोप ताड दाक्पी जु ति छ्यु चेङ्गा थ्वोनी टुवु दोके टेङ्बु च्युङ्नी वे। ^{२३}दाक्पुला थाक्छ्येन नङ्गुप कोन्छ्योक ति खोङ्तेर्मु वोतुप तप्की दाक्पु यिसिक मिसिक माक्यानी मीतिवी दोङ्गला दाक्पी ताम्डे क्यावु रेवाला रम्बु क्यानी देतुप। ^{२४}तमा दाक्पु च्यिककी च्यिकला ड्यिङ्ज्ये कितुप ताड लाका ल्यामु कितुपला चुक क्यानी टोङ्गु तेर गोकिवी, तीकी थोकला नासाम तोङ्गुप। ^{२५}मी ललाइकी मुला राड जोम्नी डिकजोम कितुप क्युर्किवी, यिने दाक्पु ति डिकजोम कितुप क्युर्नी मोज्योक। यिने चोवो फेपुप तुजे चिप्ला राड वावु ति हाक्कोवा क्यानी च्यिककी च्यिकला मड तेपा रम्बु जोपला टोङ्गु तेरुप।

^{२६}दोजो दाक्पी टेङ्बु काड यिन सिरुप ति छ्या वोसिनाड दिक्पा क्या क्यावा राड देकिवी सिसिन तफेन्ला दाक्पी क्यावु दिक्पा तावुला यम्बा जिन्बाकी काड साड

कि मुथुपी। ^{२७}बोरु कोन्छ्योककी ज्यिवा लङ्गुप ठिम क्या नङ्गुप ताड खोकी तेन्दोकला लङ्गुप मीतिवाला ना तोङ्गुप छासे मे छेन्दी तिराड दाक्पी थोकला लुवु ति नासाम तोड।* ^{२८}कोन्छ्योककी मोशाला नङ्गुप ठिम मेङ्येन्दुप मी ललाइकी कोर्ला मिरा ड्यी सुमकी पङ्बु बिन्सिन तीला च्यम्बा माक्यावा क्यानी से गोवु लुकुसु वे सिसिन, ^{२९}कोन्छ्योककी सेवुला मारे तोङ्गुपतिवा ताड खुरुडला चाङ्मा जोवु कोन्छ्योककी थाक्छ्येतुप ठकला मेचेङ्गा जोप ताड कटिन नङ्गुप खोकी थु चाङ्माला मारे तोङ्गुपतिवाला मड छासे पर्च्या फोकिवी। ती ति ख्यिराड राड नासाम तोड। ^{३०}च्यिलासिसिन “ङ्येन लङ्गुप ति ड यिन। ड राड तिवाला ङ्येन लङ्गिन।”* सिनी सुङ्गुप तीला दाक्पी डो शेकिवी। येलुड “चोवो कोन्छ्योककी राड खोकी मीतिवी लाका ल्यामु मेलोवा काड क्यावे, तीकी थोकला ठिम क्या नङ्गिगी।”* सिनी सुड वे। ^{३१}तुक क्यानी डोसु वोतुप कोन्छ्योककी ठिम क्या नङ्गुप लकला ख्येलुप ति छासे ज्यिवा लङ्गुप ताम्डे यिन।

^{३२}ख्यिराड थल्माला ख्रीष्टला तेपा क्यावु पेलाकी ताम्डेतिवा नरी नासाम तोड। ती पेला ख्यिरा चो दुक्पा खुर्सिनाड हम क्यानी

देसुड। ३३तोजो पेला माङ्शोक मीतिवी ख्यिराडला तेरी मीतिवी मिङ्गाला मारे तोङ्गुप ताङ छेटाङ बिन्सुड। यम्बा पेला ति ख्यिरा यम्बा दुक्पा खुरुप मीतिवी मुला दुक्पा खुर्मुड। ३४तमा चोन्खाडला शोरुप मीतिवाला ख्यिरा च्यम्बा क्यासुड, ख्यिरा टोङ्बा मीतिवी ठोसिनाड ख्यिराड गा क्यानी हम क्या देसुड। च्यिलासिसिन ख्यिरा मुला ती सिनाड मङ ल्यामु ताङ नरी लुवु टोङ्बा वे सिरुप ति ख्यिराडला छ्या नोक। ३५तुक क्यानी ख्यिरा तेन्तेन क्यावु ति क्युर्नी माज्योक। तमा कोन्छ्योककी ख्यिराडला छासे खक्छ्येवु छ्यक्तक ग्येर्पु नङ्गिगी। ३६तमा कोन्छ्योककी नोवाला वोतुप ति तेरी डुप्सिमा खोकी ख्यिरा थोक्ला थाक्छ्येन नङ्गुप ति थोपुपला ख्यिराड नरी हम क्यानी दे गोकिवी। ३७च्यिलासिसिन कोन्छ्योककी सुडला

“फेक्किवी सिनी सुङ्गुप ति छासे
डमु राङ फेक्किवी,
फिमु मिकिवी।

३८डे थोङ्दाडला टेङ्बु च्युङ्गुप
मीतिवा ति डला तेपा क्यानी
सेन्बु लुकिवी,
यिने डला तेपा कितुप क्युर्नी
ज्योकुप तीकी मुला ति ड गा
मिकी।”* सिनी टि वे।

३९दाक्पु याङ तेपा कितुप क्युर्नी
ना डोप मीतिवा दोके मिन, बोरु तेपा
क्यानी दिक्पा ने थरुपतिवा यिन।

कोन्छ्योककी गिपाकी क्यावु तेपाकी कोर्ला

११ कोन्छ्योकला तेपा कितुप
सिक्यावु ति दाक्पी रेवा
क्यावु ताम्डेला खोकी नङ्गिगी
सिनी तेन्तेन कितुप ताङ माथोङ्गुप
ताम्डेला वे सिनी हाक्कोवा कितुप
यिन। २दाक्पी हङ्गावातिवी साङ
कोन्छ्योकला तेपा क्यावु तप्की
खोकी तिवाला सेमला गाल।

३तेपा नेसुर राङ दी जम्बुलिङ ति
कोन्छ्योककी सुङ्गी ज्येवु यिन।
तमा दाक्पी थोङ्गुप च्यालक ति
मोथोङ्गुप च्यालक नेसुर च्युङ्गुप
यिन सिरुप ति हाक्कोकिवी।

४तेपा नेसुर राङ हाबिलकी
कयिनकी सिनाड मङ कोन्छ्योकला
सेमला डोप जिन्बा पुलसुड। ती तेपा
नेसुर राङ हाविल ति कोन्छ्योककी
थोङ्दाडला टेङ्बु वे सिनी खोकी गा
लासुड। च्यिलासिसिन तीकी पुलुप
जिन्बा खोला सेमला लासुड। हाविल
शिनी गल्सिनाड तीकी तेपा नेसुर
तरोड साङ दाक्पुला येन्देन इयेकिवी।

५तेपा नेसुर राङ हनोक माशी
वोतुप पेला राङ देवाच्येनला तेक्नी
गाल्सुड। कोन्छ्योककी तीला तेक्नी

फेपुप तप्की ती ति कनिवा साड माङ्ये। च्यिलासिसिन खोकी तीला तेक्नी फेपुप सिनाड गोमाला तीकी खोला सेमला डोप लाका क्यावु पङ्बु च्युङ्सुड। ६यिने कोन्छ्योकला तेपा माक्यासिन सी साड खोला गा लोड मुथुपी। सु खोकी चाला वुङ्गवे, तीकी कोन्छ्योक ज्यु वोतुप ताड खोला छोलुपतिवाला खोकी छ्यक्तक नङ्गवी सिनी तेपा कि गोकिवी।

७तेपा नेसुर राड नोआकी ती पेला सेक नाम्साड माथोङ्गुप शोतोक ग्येर्पु ग्यकुपकी कोर्ला कोन्छ्योककी तीला सुङ्गुप ति ड्येन्नी खोला मोवा कियी सिरा टु ग्येर्पु च्यिक जोनी खोरो मिछाडतिवाला ज्होकसुड। तीकी तुका तेपा क्यानी जम्बुलिङकी मीतिवाला क्येन वोतुप ति छ्या तेन्सुड। तमा खुरुड ति तेपा क्यानी कोन्छ्योककी थोङ्दाडला टेङ्बु वोतुप च्युङ्सुड। ती मोलाम ति कोन्छ्योकला तेपा कितुप मी तेरीला थोप्किवी।

८तेपा नेसुर राड अब्राहामला कोन्छ्योककी कताड नङ्गुप पेला तीकी खोकी सुडला ड्येन्नी खुरुड कनी डोयी वे सिरुप ति छ्या मेसिनाड खोकी ग्युक सिनी सुङ्गुप दासाला गाल्सुड। ती दासा ति कोन्छ्योककी ज्युक्ला तीला तेरिन सिनी थाक्छ्येतुप दासा यिन। ९तेपा नेसुर राड अब्राहाम छ्यिग्यपकी मी दोके कोन्छ्योककी थाक्छ्येन नङ्गुप लुङ्बाला गल्नी

कुर ग्यप्नी देसुड। तुक राड क्यानी कोन्छ्योककी अब्राहामला दोके ती दासा ति तेरिन सिनी इसहाक ताड याकूबला थाक्छ्येन नङ्गुप तप्की तिवा साड ते मुला राड देसुड। १०च्यिलासिसिन अब्राहामकी नरी लुवु खासा वोतुप ग्येसाकी थोक्ला रेवा क्यानी गु देनोक। ती ग्येसाकी थोक्ला नासाम तोङ्गुप ताड जो नङ्गुप ति कोन्छ्योक राड यिन।

११तेपा नेसुर राड अब्राहामकी कोन्छ्योककी थाक्छ्येन नङ्गुप ति तेरी क्या नङ्गुप सिनी लो तेन्दुप तप्की तीकी पेर्मी सारा मिजी गानी आडा मुच्युङ्गुप वोसिनाड आडा च्युङ्सुड। १२तुक क्यानी शेप दोके वोतुप मिरा च्यिक नेसुर गिपातिवा नामगी कर्मा दोके मङ्मु ताड ग्येम्छो गारीकी पेमा दोके डो मुथुपुप क्यानी छासे फेल्सुड।

१३ती तेरी मीतिवा कोन्छ्योककी थाक्छ्येन नङ्गुप ति माङ्येवाला राड तेपा क्यानी शिसुड। यिन्सिनाड तिवा कोन्छ्योककी थाक्छ्येन नङ्गुप ति ड्यिम्ज्यिक ड्येकिवी सिनी तेपा क्यानी तिवा सेमला गा लासुड। तमा दी जम्बुलिङला दाक्पु ति छ्यिग्यपकी मी ताड मिमेलुङ्दुङ दोके यिनोक सिरुप ति पङ्बु बिन्सुड। १४खोप्पाडला छ्यिग्यपकी मी यिन सिनी सिरुप मीतिवा खोप्पे लुङ्बा च्यिक वे, ती लुङ्बाला देतुप ड्येकिवी सिनी लाम ल्हानी देतुप

ति हाक्कोकिवी। १५तिवी खोप्राड थेन्नी वावु लुङ्बाकी थोक्ला नासाम तङ्गुप यिन्सियाड तिवा लोड गल्नी ती लुङ्बाला राड दे थुपुज्जा। १६बोरु तिवी याड ती सिनाड मड ल्यामु वोतुप देवाच्येनकी ग्येल्खापकी कोर्ला छासे नो क्यासुड। तुक क्यानी कोन्छ्योककी तिवाला “ड तिवी कोन्छ्योक यिन।” सिनी सुङ्गुपला डोछा मिक्किवी। वुतुड के खोकी तिवी थोक्ला ग्येसा च्यिक टडिक क्यानी ज्याड नङ्नी वे।

१७तेपा नेसुर राड अब्राहामला कोन्छ्योककी खोक्पा ल्हाप पेला खोरो पुज्युड इसहाक ति जिन्बा ताङ्सुड। ती इसहाक ति कोन्छ्योककी अब्राहामला थाक्छ्येतुप नेसुर नङ्गुप च्यिक राड वोतुप पुज्युड यिन्सिनाड तीकी कोन्छ्योककी थोक्ला सेनी जिन्बा तोङ्गुपला टडिक क्यासुड। १८कोन्छ्योककी गोमाला अब्राहामला, “इसहाक नेसुर राड ख्योरो गिपातिवा फेलितो।”* सिनी थाक्छ्येन नाङ्सुड। १९इसहाक शिसिनाड कोन्छ्योककी तीला सेन्बु लोड थुक्किवी सिरुप ति अब्राहामला तेपा नोक। तमा वुतुड के इसहाकला शेप ने सेन्बु लङ्गुप दोके येलुड ड्येसुड।

२०तेपा नेसुर राड इसहाककी खोरो पुज्युड याकूब ताड एसावला

ज्युकथमाला वुङ्गुप ताम्डेकी थोक्ला मोलाम बिन्सुड।

२१तेपा नेसुर राड याकूबकी खुरुड शेप पेला योसेफकी पुज्युडतिवा रे रेला मोलाम ग्यप्सुड। तमा तीकी खोरो पेर्का चुनी राड कोन्छ्योकला सोवा तेक्सुड।* २२तेपा नेसुर राड योसेफकी खुरुड शितुछ्येप पेला ड्रियम्जियक कोन्छ्योककी इस्राएल मीतिवाला मिश्र लुङ्बा नेसुर तेन्नी टि डोप कोर्ला ताम्डे क्यासुड। तमा खोरो रुच्ये ति चुक कि गोकिवी सिरुप कोर्ला साड क बिन्सुड।

२३तेपा नेसुर राड मोशाकी पपाआमातिवी मोशा क्येप पेला ती ति ल सुम सेक बानी ज्याक्सुड। च्यिलासिसिन तिवी मोशा ति छासे ल्यामु वोतुप थोङ्सुड, तमा ग्येल्वी बिन्दुप कला साड तिवा ज्यिवा माक्या।

२४तेपा नेसुर राड मोशा नाज्युड गल्सिमा तीकी खुरुडला ग्येल्बु फारोकी पुमकी पुज्युड यिन सिनी मीतिवी सिक्पावु ति तीकी गा माक्या। २५बोरु दिक्पा क्यानी चेयी पर सेक तिराड किर्मु कितुप सिनाड कोन्छ्योककी पेतुप मीतिवी मुला दुक्पा खुरुप राड मड ल्यामु यिन सिनी नोक्यासुड। २६तीकी मिश्रला वोतुप नोर ताड टोङ्बा सिनाड ख्रीष्टकी थोक्ला मारे गल्नी देतुप ति छासे गोड नावु यिन सिनी नो क्यानोक। च्यिलासिसिन तीकी

कोन्छ्योककी नङ्गुप छ्यक्तककी थोक्ला लाम लहानी देसुड। ^{२७}तेपा नेसुर राड मोशाकी मिश्रकी ग्येल्बु डियर्मु लानी वोसिनाड ज्यिवा माक्यानी ती लुङ्बा क्युर ज्याक्नी गाल्नोक। तमा तीकी मोथोङ्गुप कोन्छ्योकला साड थोङ्गुप दोके हम क्यानी देसुड। ^{२८}तेपा नेसुर राड मोशाकी इस्राएलकी मीतिवाला खाड्बी गे लो लोला लुक रुककी ठक ति कुनी थरुप तुछ्येन तेन गोकिवी सिनी क बिन्सुड। तुक क्यासिन गोमाला क्येवु पुज्युड छ्येतिवा सेतुपला वुङ्गुप तीकी इस्राएलकी मीतिवी नाड ने गोमाला क्येवु पुज्युड छ्येतिवाला काड साड कि मुथुप्नोक।

^{२९}तेपा नेसुर राड ग्येम्छो परकी स कम्बुला युवु दोके क्यानी इस्राएलकी मीतिवा ग्येम्छो मर्वु शानी गाल्सुड। यिने मिश्रीतिवा ती ग्येम्छो शकुप छोलुप पेला तेरी ग्येम्छोला नुम्नी शिसुड। ^{३०}तेपा नेसुर राड इस्राएलकी मीतिवा डियमा दिन सेक यरीहो ग्येसाकी गारी गुरीला वोतुप च्यारी ग्येर्पु तीकी फिला कोरा ग्यप्सिमा ती च्यारी ति राम्सुड। ^{३१}तेपा नेसुर राड राहाब छ्येमु तीकी यरीहोला च च्येतुपला वावु मीतिवाला ल्यामु क्यानी गासो शुवु तप्की कोन्छ्योककी सुडला मेङ्येन्दुप ती ग्येसाकी मीतिवा तेरी सेसिनाड तीला ति मासे।

^{३२}त दी सिनाड ल्हक्पा याड ड काड सिरुप? च्यिलासिसिन गिदोन

ताड बाराक ताड शिमशोन ताड यिप्ता ताड दाऊद ताड शमूएल ताड कोन्छ्योककी लुङ्तेम्बातिवी कोर्ला सिरुपला डे मुला तुजे मे। ^{३३}तेपा नेसुर राड तिवी लुङ्बा यम्बा ताड मुला मक ग्यप्नी ग्येल्सुड, ठिम टेङ्बु क्यानी ग्येला क्यासुड, कोन्छ्योककी थाक्छ्येन नङ्गुप साड थोप्सुड, तिवी सेङ्गीकी ख साड उप्सुड, ^{३४}बरुप मेतिवा साड नाल्सुड, खुर्पाकी ख नेसुर साड थार्सुड, ड्येर्मे वोसिनाड ग्यामु गाल्सुड, मक ग्यकुपला साड छासे डार छ्येवु च्युड्सुड, तमा छ्यिग्यप लुङ्बी मक्मीतिवाला साड तिवी शर्नी ताड्सुड। ^{३५}तुक राड क्यानी तेपा नेसुर राड ललाइ पुम्पेजातिवी खोप्रे शेष मिछाडतिवा शेष ने सेन्बु लावु थोड्सुड। यिने यम्बा ललाइकी शिसिमा मड मिजी ल्यामु थोप्शी सिनी चोन्खाडला शोरुप ने थेन्दुप साड माङ्येन्नी चो पाङ्शर तङ्सिनाड छेटाड खुर्सुड। ^{३६}तमा यम्बा ललाइला ति मीतिवी मर्च्या किंतुप ताड तलज्येक थ्वोनी दुसुड। तमा यम्बा ललाइला ति च्याटोक ग्यप्नी चोन्खाडला उप्सुड। ^{३७}तमा यम्बा ललाइला ति दो पोप्नी सेसुड, ललाइला सोक्ली थ्वोनी टेनी फेका ड्यी जोनोक। तुक राड क्यानी ललाइला ति खुर्पा थ्वोनी सेसुड, ललाइ ति पेराङ्बु गल्नी दुक्पा खुरिन ताड पाङ्शर तोङ्गुप ताड लुक ताड रे क्वा कोन्नी फार ताड छुर युनी दे गोसुड। ^{३८}दी जम्बुलिङ मेलोकपा

ति ती मीतिवी थोक्ला दे छ्योवु
मिन्दुक। तमा तिवा दासा पाङ्थेरी
ताड टक ताड फुक ताड से वोक्ला
वोतुप मुक्तुमतिवी नाङ्ला यिप्नी युक्
गोसुड।

३६ तिवा तेरीकी कोन्छ्योकला
तेपा क्यावु तप्की खोकी तिवाला
गा क्यासुड। यिन्सिनाड खोकी
थाक्छ्येन नङ्गुप ति तिवाला माथोप,
४० च्यिलासिसिन खोकी दाक्पी
थोक्ला ती सिनाड खक्छ्येवु ताम्डे
ल्यामु यी टडिक क्यानी वे। खोकी
नोवा ति काड यिन सिसिन तिवा साड
दाक्पी मुला राड तेरी दिक्पा ने थर्नी
खोकी चिप्ला डोप ड्येशी सिरुप
यिन।

कोन्छ्योककी नङ्गुप छालेनकी कोर्ला

१२ दाक्पी गारी गुरीला
कोन्छ्योकला तेपा कितुप
कोर्ला पङ्बु तेरुप मीतिवा छासे
मङ्मु वे। तुक् क्यानी दाक्पी मिजीला
तोक्सा छोकुपतिवा ताड दाक्पुला
क्येक्नी ज्योकुप दिक्पातिवा क्युर
ज्यकुप, तमा दाक्पु लेप गोवु थाकाला
तिराड ल्हानी हम क्यानी छ्योङ्बाल
ग्यकुप। २ तमा दाक्पी तेपा गो जुवु
ताड ती तेरी छे ज्यितुप चोवो येशूला
तिराड नरी ल्हाप। खोकी खोरे दोङ्ला
वोतुप गाकी थोक्ला मीतिवी मारे

तडिसनाड काड नो माक्यानी हम
क्यानी ग्यडिशड लोला टुङ्सुड। तमा
कोन्छ्योककी ग्येल्लिककी यावी
थाकाला ज्युसुड। ३ ख्यिराड चो दुक्पा
खुर गोसिनाड येन छ्येनी यिछ्येता
मिकिवुला मी दिक्छेनतिवी चो
ड्यिङ्मर क्यासिनाड हम क्यानी देतुप
येशूला नासाम तोड। ४ ख्यिरा याड
तन्दा सेक सी साड दिक्पा मिकिवु
तेन्दोकला रङ्गी मिजी साड तेर गोवु
क्यानी थमु ग्यक मागो वे। ५ तमा
काड कोन्छ्योककी सुङ्गी नाङ्ला
ख्यिराडला खोरो पुज्युडतिवाला दोके
दुक सिनी टोङ्गु बिन्दुप ति ख्यिरा
टोक ज्येसुड? खोकी दुक् सिनी सुड
वे,

“ओ डे पुज्युड, चोवो
कोन्छ्योककी ख्युरुडला
ल्यामु च्युङ्शी सिनी छालेन
बिन्दुप ति खोङ्ग्राम की,
खोकी ख्युरुडला कप्क्येन
नङ्गुप पेला ख्युरुड
यिछ्येता माकी।

६ च्यिलासिसिन खोकी सुला
ड्यिङ्ज्ये क्या नङ्गिावे,
तीला पच्य्रा साड तेर्किवी।
तमा खोकी खोरे पुज्युड सिनी
चिवुतिवाला छ्येर्पा साड
तेर्किवी।”*

७ कोन्छ्योककी ख्यिराडला छालेन
नङ्गुप पेला ख्यिराड हम क्यानी दे।

च्यिलासिसिन खोकी ख्यिराडला पपी खोरो पुज्युडला कितुप दोके क्या नड्यिन वे। काड पपी खोरो पुज्युडतिवाला छालेन मेतेर्वी रो? ९पपी खोरो पुज्युडपुमतिवाला छालेन बिन्दुप दोके क्यानी कोन्छ्योककी ख्यिराडला छालेन मानाडिसन ख्यिराड खोकी पुज्युडपुम मिन, शम्डेन क्यानी क्येवु पुज्युडपुम यिन। १०तो जो तिराड मिन, जम्बुलिडला वोतुप दाक्पी पपी दाक्पुला छालेन बिन्सिनाड दाक्पी पपाला ताड्देन क्यासुड सिसिन मड देवाच्येनला वोतुप पपा कोन्छ्योककी ओडला दे मोगोवी रो? १०च्यिलासिसिन जम्बुलिडकी पपी खोप्रे नोवाला वोतुप दोके क्यानी दाक्पुला ड्यमा चेयी पर सेक लाम ल्यामुला युक् ज्यितुपला छालेन बिन्सुड, यिने कोन्छ्योककी याड दाक्पु ति खो दोके टेड्बु च्युड थुप्शी, तमा दाक्पुला ल्यामु च्युड्शी सिनी छालेन नडिगवी। ११ती तेरी छालेन ति दाक्पुला ख्येलुप पेला गोमाला याड सेमला गा मालडिगवी, छासे कले गिवी। यिन्सिनाड ती छालेन नेसुर तालिम ड्येसिमा ती ज्युकला कोन्छ्योककी थोड्दाडला दाक्पुला टेड्बु ताड लोदिमु वोतुप मिजी ड्येकिवी।

१२तुक क्यानी डार मेतुप लाक्पातिवा येर लोड, तमा रम्बु मेतुप काड्बी

छिङ्गुरतिवा साड रम्बु जोसा। १३तमा ख्यिराड युक्प लाम ति थेकाड जोसा, तुक क्यासिन काड्बा रम्बु मेतुपतिवी काड्बी छिङ्गुर ति मोटोल्शी, यिने टेक्शी।*

कोन्छ्योककी कटिनला क्युर्नी माज्योक

१४तेरी मीतिवी मुला लोदिमु क्यानी थिन्नी दे थुपा की, तमा टेड्बु क्यानी मिजी क्योड थुपा की। टेड्बु मेसिन सी साड कोन्छ्योकला मोथोडिगवी। १५नासाम तोडा, ख्यिराड सु साड कोन्छ्योक नेमा थोपुप कटिनला क्युर्नी मोज्योक्शिता, तमा सेमला लाका मेलोवा कितुप नासाम माज्योक। नासाम मेलोवा ज्याक्सिन तीकी मड मड फेल्ली मी बडीला मेटेड्बु जेवी।* १६ख्यिरा पर्ला सु साड शम्डेनकी लाका माकी। तमा एसाव दोके कोन्छ्योकला ड्याम मिक्वि माकी। तीकी समा छेक च्यिककी थोकला पुज्युड छ्येकी ओड साड चोनी सोसुड। १७ख्यिराडला छ्या राड वे, ती ज्युकला तीकी खोरो पपा नेमा थोप गोवु मोलाम ति थोपुप छाल्सुड, यिन्सिनाड तीला माबिन। च्यिलासिसिन तीकी मिक्च्युर ताड्नी ती मोलाम थोपुप छाल्सिनाड तीकी सेम ग्युरुप तुजे माच्युड।

१८ख्यिराड वावु दासा ति गोमाला इस्राएलकी मीतिवा सीनै रीला गलुप

दोके मिन। ती दासाला ति थो तोड थुपुप ताड मे छेन्दी बरुप ताड मुक्पा नक्पु छुपुप ताड नक्तोमी ताड छासे लुड छ्यर्वा ग्यकुप ताड १६ ग्येलिड पुवु वोरु ताड कोन्छ्योककी सुड मेरुप वोरु देन्गिनोक। ती वोरु थोवु मीतिवी तुका वोरु ति येलुड मोथोशी सिनी गोड्बा पुल्लुड। २० च्यिलासिसिन “दोजो सेम्ज्येनकी ती रीला रेक्सिन तीला दो पोप्नी से!”* सिनी कोन्छ्योककी क नङ्गुप सुडला तिवा युक् माथुप्नोक। २१ ते वोतुप थोड्छ्योल ति छासे ज्यिवा लङ्गुप नोक। तुक कयानी मोशाकी साड “ड ज्यिवा लानी ज्हुकिन वे”* सिनी सिक्या वे।

२२ यिने ख्यिराड वावु दासा ति सियोन री ताड देवाच्येनकी यरूशलेमला राड यिन। ती दासा ति डोसु वोतुप कोन्छ्योककी ग्येसा यिन। ख्यिराड तोड्डा बडी देवाच्येनकी लेन क्योलुप थुतिवा जोम्नी लोदिमुकी तुछ्येन तेन्दुप दासाला वानी वे। २३ तमा ख्यिराड याड गोमाला क्येवु पुज्युड दोके वोतुप तेपा कितुप मीतिवा तेरी जोम्बुप चर्चला वानी वे। तिवा मिड तेरी ति देवाच्येनला टिनी ज्याड वे। तमा ख्यिराड याड तेरी मीतिवाला ठिम कया नङ्गुप कोन्छ्योक ताड खोकी खोरे मोवा वोतुप दोके कयानी टेड्बु जोवु मीतिवी थुतिवा वोतुप

दासाला वानी वे। २४ तमा ख्यिराड याड कोन्छ्योक ताड मीतिवी पर्ला थाक्छ्येतुप ताम्डे सम्बा जो नङ्गुप येशू ताड खोकी थोरुप ठकला वा वे। ती ठक ति हाबिलकी ठक सिनाड मड ल्यामो कयानी दाक्पुला येन्देन तेर्किवी।

२५ तुक कयानी ख्यिराड च्याड्से देनी कोन्छ्योककी सुङ्गुप कला ल्यामो कयानी ड्येन। सीनै री नेसुर मोशाकी बिन्दुप कला मेड्येन्दुप मीतिवा थर माथुप सिसिन देवाच्येन नेमा नङ्गुप कोन्छ्योककी कला मेड्येन्दुप दाक्पु चुक् कयानी थर थुप्किवी रो? २६ सीनै रीला कोन्छ्योककी क नङ्गुप वोरुकी जम्बुलिड तिराड योसुड, यिने त याड खोकी दुक् सुङ्नी थाक्छ्येन नड वे, “तरोड ड जम्बुलिड तिराड योक ज्यितुप मिन, देवाच्येन साड येलुड थेड्मा च्यिक योक ज्यितिनो।”* २७ “येलुड थेड्मा च्यिक” सिक्यावु सुङ्गी तेन्दोक ति दी यिन, कोन्छ्योककी ज्येवु च्यालकतिवा योक थुपुप ताड दोक् थुप्किवी। तुक कयासिन योक मुथुपुप च्यालकतिवा तिराड लुकिवी। २८ तुक कयानी योक मुथुपुप कोन्छ्योककी ग्येल्खाप थोपुप तप्की दाक्पु कोन्छ्योकला थुचिछे बुलुप। तमा खोला नरी ज्यिवा ताड ताड्देन कियी सिरा खोकी सेमला डोप सोवा बुलुप।

२६ च्यिलासिसिन दाक्पी कोन्छ्योक
ति पुसुकी जोप मे यिन।*

तिङ्मी टोङ्गु

१३ ख्यिराड च्यिककी च्यिकला
रङ्गी अच्युनुपतिवा दोके
क्यानी ड्यिङ्ज्ये किसान। २ डो माशेवु
डेन्बुतिवाला गासो शोप टोक माज्येता,
च्यिलासिसिन मी ललाइकी हाक
राड माकोवा क्यानी देवाच्येनकी
लेन क्योलुप थुतिवाला शब्ज्यी
क्यासुड। ३ ख्यिराड खुरुड साड
चोन्खाडला वोतुप दोके नासाम
तङ्नी चोन्खाडला शोरुप तिवाला
ड्याम किसान। तमा मीतिवी पाङ्गुशर
तङ्गुपतिवाला साड नासाम तोड,
च्यिलासिसिन ख्यिराड साड जुला
राड वे।

४ तेरीकी पर्ला जेन्दी ति ताङ्देन
वोतुप वुङ्शी। तमा ख्योवा ताड
पेर्मी जेन्दी क्यासिमा मी यम्बा
ताड मुला शम्डेन कितुप मेङ्गिगी,
च्यिलासिसिन शम्डेन कितुप ताड
यम्बा ख्योकपेजा याङ्ना यम्बा पुम्पेजा
ताड मुला मेलोकपा कितुपतिवाला
कोन्छ्योककी ठिम क्या नङ्गिगी।
५ ख्यिरा मिजी ति टङ्गा डेवाला
चा कितुप नेसुर कुतुक दे। ख्यिरा
मुला चो नोके तोजोयीला राड सेम
लोदिमु च्युङ्नी दे, च्यिलासिसिन
कोन्छ्योककी दुक सुङ्नी वे,

“ड ख्युरुडला नाम्साड पि
मोतोड,

तमा क्युर्नी साड मोज्योक।”*

६ तुक क्यानी दाक्पु डाडेड क्यानी
सि थुक्किवी,

“चोवो कोन्छ्योक ति डला
दाल्जा किटे कितुप चोवो
यिन,

ड ज्यिवा मिकी। मीतिवी डला
काड कि थुक्किवी रो?”*

७ ख्यिराडला कोन्छ्योककी सुड
लोपुप गेकेनतिवाला नासाम तोड।
तिवी चुक क्यानी मिजी क्याङ्सुड,
तिवा चुक क्यानी शिसुड, तीकी
कोर्ला ल्यामु क्यान ल्हानी ख्यिराड
साड तिवी दोके तेपा किसान। ८ येशू
ख्रीष्ट दाड ताड हारिड तमा नरीकी
नरी च्यिकपा राड ज्युकिवी। ९ ख्यिराड
नम्बा कुतुककी येन्देन मेटेङ्बुला
मेख्येल्ली। साप थुङ्गुप लुकसुतिवा
तेन्नी मिन, यिने कोन्छ्योककी कटिन
नेमा ख्यिरा सेम रम्बु च्युङ्गुप ति
ल्यामु यिन। तुका लुकसुतिवा तेन्नी
ख्यिराडला काड साड ख्येप्साड
मेवी।

१० दाक्पी ति जिन्बा तोङ्गुप
दासा च्यिक वे। ती दासाला जिन्बा
पुलुप च्यालकतिवा यहूदीतिवी
कोन्छ्योकला सोवा देकुप कुरला देनी
कोन्छ्योकला शब्ज्यी कितुपतिवाला
साप ओड मे। ११ ते यहूदी कोङ्ग्यार

छयेकी दिक्पी थोक्ला जिन्बा तोङ्गुप सेम्ज्येनकी ठक ति तेरी सिनाड चाङ्मा वोतुप दासाला खुर्नी डिवी, तमा ती सेम्ज्येनकी जु ति मीतिवा देतुप दासा नेसुर फिला खुन गल्नी जहेकिवी। १२तुक क्यानी येशू ख्रीष्ट साड ग्येसाकी फिला छेटाड खुर्सुड। ती ति खोकी ठक नेसुर दाक्पुला दिक्पा ने थर च्यिनी टेङ्बु जोपला यिन। १३ती दोके दाक्पु साड मीतिवा देतुप दासा नेसुर फिला येशूकी चिप्ला डोप। तमा दाक्पु साड खोकी दोके मीतिवी मारे तङ्सिनाड हम क्यानी देतुप। १४च्यिलासिसिन दी जम्बुलिङला दाक्पी ति नरीकी थोक्ला देतुप ग्येसा मे, यिने दाक्पु ज्युक्ला वुङ्गुप ग्येसाकी थोक्ला गुनी देकिवी। १५तुक क्यानी दाक्पु येशू नेसुर नरी कोन्छ्योकला सोवा देकिन सिरा खोला जिन्बा तोङ्गुप। तुक क्यावु ति दाक्पी खोला चोवो कोन्छ्योक यिन सिनी मी यम्बाला पङ्बु तेरुप यिन। १६च्यिककी च्यिकला ल्यामु कितुप ताड रङ्गी लोला वोतुप च्यालकतिवा यम्बा गोवुतिवाला तेरुप लाका कितुप टोक माज्येता। च्यिलासिसिन दाक्पी तुका जिन्बा पुलुप ति कोन्छ्योकला सेमला डिवी।

१७ख्यिराडला गोमा कितुप गेकेनतिवी सिक्पावु खला ड्येन्नी तिवी ओडला देता। च्यिलासिसिन तिवी ख्यिरा मिजीला ल्हटे किवी, तमा तिवी खोप्रे क्यावु लाकाकी ची ति कोन्छ्योकला

ते गोकिवी। ख्यिराड तिवी ओडला दे। तुक क्यासिन तिवी ती लाका ति सेम मेलोकपा क्यानी मिन, सेम गा क्यानी कि थुप्किवी। मिसियाड ख्यिराडला काड साड ख्येप्साड मेङ्गिगी।

१८ड्यिरा थोक्ला साड नरी मोपोर किसान। ड्यिरा सेम टेङ्बु वे सिरुप ति तेन्तेन वे। ड्यिराड ति नरी खोङ्तेर्मु क्यानी मिजी क्योङ्गुप नो वे। १९खक्छ्येवुला ड ख्यिराडला ठाकुरे सिरिन, ड ख्यिरा ते डमु राड वुड थुप्शी सिनी डे थोक्ला साड मोपोर किसान।

तिङ्मी मोपोर

२०चोवो येशूकी ग्यङ्गिङला ठक तेन्नी कोन्छ्योक ताड मीतिवी पर्ला थाक्छ्येवु ताम्डे क्या नङ्गुप तप्की खो दाक्पुला गोमा कितुप गोठाला छ्ये च्युङ्सुड। तमा कोन्छ्योक ति खोला दुङ्गुप ने डोसु लोङ्गुप लोदिमु वोतुप कोन्छ्योक यिन। २१ती कोन्छ्योककी खोकी नोवाला वोतुप ति ख्यिरा तेरी किशी नोनी ख्यिराडला गोवु तेरी ल्यामु वोतुपतिवा नङ्गुशी। तमा चुका ति खोला सेमला डोप नोके, येशू ख्रीष्ट नेसुर ती ति ख्यिरा मिजीला खोकी क्या नङ्गुशी। येशू ख्रीष्टला नरीकी नरी मोवा च्युङ्गुशी। आमिन।

२२अच्युनुपतिवा, ड ख्यिराडला ठाकुरे सिरिन, डे टोङ्गु बिन्दुप ति ड्येना। दी टोङ्गु ति डे ख्यिराडला चेयी तिराड टिनी वोतो। २३ड

ख्यिराडला दी ताम्डे ति हाक्को
ज्यितिन, दाक्पी नुप तिमोथी साड
चोन्खाड ने थेन वोतो। दोजो ती डमु
राड वासिन ड तीकी मुला ख्यिराडला
ठेतुपला वुङ्गुप्नो।

२४ ख्यिराडला गोमा कितुप गेकेनतिवा

ताड तेरी तेपा कितुपतिवाला साड टसी
देलेक वे सिनी सिसा। तमा इटालिया
नेसुर वावुतिवी साड ख्यिराडला टसी
देलेक सिनी तड वोतो।

२५ ख्यिराड तेरीकी मिजीला
कोन्छ्योककी कटिन नङ्शी।

